



CONFUTATIO  
OBJECTIONVM  
QVAS CENSORII PAR-  
MENONES, EMENTITO  
Scholæ medicæ Parisiæsis nomine.

PETRO PALMARIO *proposuerunt.*



ERE, siquid aliud, Cato  
beatas fore artes si de il-  
lis soli artifices iudica-  
rent: Infœlices ego, ma-  
lè fortunatas, si imperi-  
torum arbitriis prosti-  
tuantur. Alchymia par-  
tem quæ in medicamentorum præparatione  
versatur, magni nominis medici excolue-  
runt. Schola Parisiensis dum clarissimis sy-  
deribus medicinæ orbē fouebat & illustra-  
bat, Fernelio maximè, eam habuit pro pu-  
riore philosophia: artem dixit pharmacia  
præstantiorem; Syluio verò, Galeni tenacis-  
simo, rem omnibus alijs planè diuiniorem;  
cui ut veritati credendum asseruit. Idiotas  
vocalit imperitos medicos qui hoc artifi-

A

cium ceu nugatorium calumniantur. Iulianus Palmarius Patruus meus, libris editis & edendis clarissimus, sua opera chymiae delictijs commendauit. Iohannes Riolanus pater, Aristoteli secundus, annis superioribus scholae magnatum nomine, Chymiam amplexatus est. Plurimi hodie ex eodem ordine chymica laudant & praescribunt; Arabum imitatione Galeni votum persoluunt Chymiae culturam: hanc scilicet diuersae in aceto substantiae dearticulantur, quod optabat Galenus, ut in lacte. optabile & in caeteris sublunaribus. Sub his ducibus Carrerius huius artificij peritissimus medicus sic habet. Ars sublimandi, salutis corporis, animique ornamento salutaris & congruens, seruetur incolumis, semper floreat, & omnibus suis numeris exactissime perficiatur. Imperiti vero aliquot idiotae, ut cum Syluio loquar, Chymicum artificium, ceu nugatorium criminantur. Librum meum qui veram Chymiam sophisticae Paracelsiae cauillis obrutam, ut Fernelius sentit, restituit, restauratque, accusant. Parmenones veri qui Chymiae castra nunquam viderunt, de illa tamen, apud Imperatorem, apud facultatem legitime congregatam dixisse impudenter mentiuntur. Quid potuerint, conuincit censura barbara, infamis, illegitima, quam contra me tulerunt, versatili & incopetente Decano abusi, papauere corniculato frigidior. Scioli ali-

quot malè feriat, aspernantur, vulnerāt quæ non intelligunt. Coniurati aliquot Catilinæ hac occasione arrepta meo nomini insultāt. Nostra scilicet veræ chymię possessio, in quam hi homūciones, quasi caducam atque vacuam, abundantes ocio, nobis occupatis inuolauerunt. Sex aut septem sunt inimici, & probis omnibus odiosi, litigatores magnifici, huius facinoris authores. Aliter statuit consulta sapientum Asclepiadarum Synodus. Tantæ non sunt animis cælestibus iræ, tantæ nebulæ, tantæ caligines. Suum nomen suam auctoritatem, proditoribus detrahunt. Propterea lubens abstinuissem à responsione; neglexissem Herostrateos templum Dianæ Chymicæ incendentes, ut nomen intermortuum viueret, etiam ex ista turpitudine. Sic scarabei in sterquiliniis. Quid enim allatrant? Rectum ab obliquo nesciunt distinguere, Chymiam à Paracelsia. Reum me dicūt criminis, cuius ultorem me præbui acerrimum in Paracelsitas. Porticum nostram deferere insimulant, quam Chrysippus alter, forti ceruice fulciui, quam nervosè & victricibus armis sum tutatus.

*nigro, tunc allatrat ore*

*Victorem invidia & ventis nos iactat iniquis.*

At enim, aiunt iudicem etiam cum iniqua decernit, ius dicere. Iactantque nostri æmuli censuram protulisse, quæ etsi iniqua & falsa, tamen censura est. Eoque magis quod glo-

rietur honorato scholæ nomine, furtim per indignissimum Decanum mihi que infensissimum, concessio. Quod etiam falsò contineat nostrum assensum. Lubens priuatam iniuriam pertulissim, sola scholæ honorandæ reuerentia adductus. Graue erat eius nomine tot vituperia detegere; ne videretur illa de auito splendore deflexisse. Sed illa ipsa adiecit animos. Collegarum pars melior me ad vindictam inflammavit. Addidi solum veritatis solem, solam boni publici auctoritatem. Sic enim quæ nostro nomine accepit vulnera Chymia medicamentorum, eodem ipso confanescunt. Ars illa quæ insciorum fallacibus suffragiis deprimitur, peritorum instaurata præsiidiis florebit, vigebit viuet, placebit, amabiturque.

Accusant libri titulum, *Lapis philosophicus*, nescientes distinguere dicta secundum quid, à dictis simpliciter. Lapis est, sed Lydi<sup>9</sup>, ad quē vera Hippo. & Galeni doctrina probatur. Quis enim hunc thesaurum arguet meros esse carbones, nisi qui legere nesciat? Hoc Paracelsi dogmata cōfutantur. Præparationes omnes aut imperfectæ aut deteriores conuincuntur. Principia phantastica in exilium relegantur. Physica vero & medica firmissimis rationum philosophicarum sepius obuallantur. Vno verbo Chymia falsa, impostoria, naturæ aduersa exterminatur. Explicatur vera, candida, medicinæ filia.

Plurima eius beneficia aperiuntur, mihi notissima & certis experimentis facillima. Et nostri Aristarchi pro erroribus, pro imposturis habent, pro fraudibus, quæ per mentis imbecillitatem nequeunt assequi. Illis ergo satisfaciamus, ut iudicet lector qui sint Geryones contra Herculeam Chymiam. Quàm sit difficile de rebus bonis maledicere. Monéo autem omnes ne putent hæc pauca contra scholam saluberrimam, quam colimus, matrem honorandam veneramur. Dicta sunt contra sex aut septem sciolos, qui palmarium de Palmario reportare gestiunt; Qui pro Libauio Palmarium impetunt; Qui mutant clypeos, Danaumque insignia sibi aptare volunt. Non quidem rationibus philosophicis, quæ arma sunt literariæ militiæ, sed litibus, censuris, Musis medicis inuisis. Subijciam plumbea & malè cohærentia quædam errorum nomine obiecta, quæ facile profligauero. Præmittam aliquot ex schola anatomica Riolani filij exprompta, obiectis suis perquam similia. Quæ potius Censorum stoliditatem quam iniquitatem testentur. Mitto incongruas & improprias locutiones innumeras, *ut virarumque manuum & medum digitos*. Nulla enim pagella est, quæ ferulam Aelij, Vallæ, Galeni, instè recuset. Digna est consideratione Realdi Columbi correctio, ut inde non ex ungue Leonem, sed ex vngula asinum intelligas. Scri-

pñt disertè Columbus, Os ethmoïdes tenuissimum esse & foraminulis distinctum. Verè equidem. Accusatur tamen à nostro Censore, Cicerone altero, Sapientum octavo his verbis. pag. 84. *Secunda ethmoidis portio spongiosa quæ non est os distinctum ut existimavit Columbus.* Risum teneatis amici? Nescit quid sit distinguere foraminibus. Nescit legere, aut legendo intelligere; & de medendi arte commentatur; & censorem agit. Eodem fuit ingenio in obiectionib. 1.3. 5.6.7.9.11.13.14. 20.21.23.24.25.27.31.34. 37.40. 42. ubi legere nesciens Solæcizat censoriè. Sua interpretatione crudeles facit medicos Parisienses quòd Ludouico IX. imperij habenas tenente, Calculosum viuum secuerint, ut (inquit censor,) lapidis generationem discerent; Vah *ἄλογον* censorem! Quasi tunc ignota esset lapidis generatio. pudet acriùs urgere. Sic pluribus in locis sententiæ sensum detorsit suis additionibus; ut obiect. 10.13.16.20. 21.24.30. 33.37. Sic imposuit Fernelio ut tantum virum mihi aduersum daret, qui 'mecum omnino sentit obiectione 13. Meo nomine Hippocratem accusat erroris obiectione 19. En regium interpretem locorum Hippoc. tenacissimum; *Accipe nunc Danaum in insidias, & crimine ab uno Disce omnes.*

## O B I E C T I O I.

*Probat Alchymia vetustatem, quam facit nostra medicina antiquiorem. Quod est contra scholæ opinionem & rei veritatem. Quod etiam repetit in præfatione cum ait. Ambæ simul natæ ab ipsa natura sua hausserunt fundamenta ambæ simul educate, &c.*

## S O L V T I O.

Exordium vero Censorium ab impudentissimo mendacio ! Docui veram Alchymiam longè antè Paracelsum natam. No-  
uam esse, mendacem, deceptoriam, quam ille celebrat. Veram, legitimā, esse partem medicinæ ad Pharmaciā referendam. Quid mirum ergo si simul cum medicina nasci volumus ? Totum non est nisi in partium vnione. Singulæ partes essentielles & integrantes toti sunt coæuæ, si non sunt priores. Medicina totum est. Partes physiologia, pathologia, Therapeusis. Chymica præparatio pharmaceutica est, & simul cum illa nata. Antiquiorem quis dixit ? Impostura est Censoria. Riolanus quidem voluit anatomem medicina priorem. Quasi partes sint dissecandæ antequam natæ sint. Quasi debeat anatome tradi de iis quæ non sunt. Quæ fuit anatome ante physiologiam?

Turpe est Cenfori cum culpa redarguit ipsum. Sed si ambæ simul natæ sunt, ut ex me subiicis, quomodo hæc illa antiquior? Monui non paucos Poetarum metamorphoses ex Chymia placitis aperire. Sic quæ de pugna Herculis & Anthei. De salute Deucalionis & Pirrhæ; de Gorgone; de Ioue, aquila, Ganimede. de Dedalo, Icaro; labyrintho. de Minerua & Ioue & alia multa. Quæ si insulsus Poetaster calluisset, multa potuisset supra vulgus, nec in hoc negotio tecum fuisset ὄνος τῶς λυγρῶς.

## O B I E C T I O II.

*Prudenter reprehendit communem Alchymiam propter obscuritatem, sed ille obscurius adhuc loquitur cum describit suum ignem philosophicum. quando recitat remedia quibus elephantiam persanavit. Nihil docet in toto libro. In eum retorqueri potest quod aliis obiicit. Ex ignoratione verborum, &c.*

## S O L V T I O.

Panis cum scorpione. Sed quid clarius dixissem, cum ut subdis nihil doceam? Non fuit animus te docere. non es idoneus auditor. oleum & operam lusiissem. ubi te sedentem viderimus fortasse te docebimus. Quid enim te ipso inconstantius? Contra  
medicos



medicos Aurelianenses Parentis filium te iurabas, quod semen sit animatum, quod anima sit ex traduce, quod scientiæ, virtutes, sint hæreditariæ. Et eodem vita functo, tu degener, tu ignaua proles, indigna tanto parente, Libauij commenta docuisti pharmacopœorum candidatos, contra parentis manes, contra Scholæ placita. Qua causa tu fuisti iusta censura tribu motus, è Schola pulsus, & emolumentis ad biennium priuatus. Quia huius censuræ cum Collegis author fui, Tu Neoptolemi vindictam celebras, sed iniquo facinore. Tu dicebas Libanium lumen nostri sæculi, quem Parēs tuus maniacum demonstrauerat, non sine sudore. Scilicet nostræ tenebræ tibi lucent. Nūc vero solo Alchymix audito nomine, inaudito numine incandescis in eum, qui & paternos manes, & te ipsum à triumpho Libauij liberet. Ergo optamus tibi mentem sanam, doctrinam solidam. Nondum aperiemus ignem philosophicum. Nec te tamen occidit & te liberamus isto periculo. Occidit obscura sententia, si pro vero falsum credatur. Ita monebam Libauium de authorum obscuritate. hac enim causa non sapit supra vulgus Chymicorum; supra Paracelsum. Tu autem adeo rudis es, vt quid verū quid falsum nescias. Quod attinet ad Elephanticam, dic cedo, vbi obscuritas? nisi obscura voces, quæ non capis? Dicitur au-

rum potabile, exuberatum, supra spheram exaltatum, nec reductile. Quot verba, tot sententiæ, tot operationes. posteriora; rationes sunt priorum. verba sunt castrensia militiæ Chymicæ. Hæc scire & audire iubeo Tyrunculos. Tu agis Censorem & hæc ignoras. Consueta vocabula quæ notant operationem retinenda sunt; etiam cum spinis. Ars est & in vocabulis. Non est nomen abdicanda omnis proprietas. Tale aurum verissimum est. Et tu ignarissimus rerum, obscurum vocas, quod supina ignorantia non capit. Consultius fecit Perdulcis, qui horum rationem & explicationem candidè accepit. Cæterum notes velim, me artis difficultatem obieciſſe Libauio, ne tantum, aut totum, tribueret sententiæ literalī. Consideranda est naturæ possibilitas. Et tu incongruus disputator, mihi reddis quod alio sensu, in aliis reprehendo.

### O B I E C T I O   I I I.

*Diu multumque dubitasti antequam nomen Galenochymici. usurpares, sed & zelus, & studium boni publici ad id te coegit.*

### S O L V T I O.

Cedo vero locum impostor. Tu mihi affigis, quæ malo dolo fingis. Reddo causam si-

lentij diuturni. Cur id non præstiterim antè  
 patentem tuum. Sic enim contentionum fi-  
 nis. Quod ô vtinam præstitissem! Schola  
 nostra non tam malè audiretur. Non exta-  
 ret Triumphus Libauij de spuria Galenia  
 Parisiensium medicorum. quem tu perfeci-  
 sti insulsa & pudibunda palinodia. Sed hoc  
 tibi & tuis gentilitium in Triumpho ho-  
 stium circunduci. Cladem sentiunt qui  
 commilitant. Sic Parens tuus & Schola no-  
 stra cum Libauio. Sic patruus tuus Petræus  
 cum Archiatro Laurentio. Quoties enim  
 verbulum Petræus laureato Laurétio, to-  
 ties victrix veritas Lauro sacrata occine-  
 bat. *Ite triumphales circum mea tempora Lau-  
 ri.* Spolia iacent in absoluto opere ana-  
 tomico <sup>100. 348</sup> Laurentij. Sic Alchemia Li-  
 bauij Triumphans de Schola nostra. Cau-  
 sam autem silentij dico, quòd Libauius Ga-  
 lenicus esset. Quòd Hippocratis & Galenì  
 partes in Paracelsum, in Grammanum &  
 Ambaldum tueretur. Quòd chymiam pro-  
 fiteretur veræ medicinæ consentaneam.  
 Tum enim tam iniusta fuisset mea conten-  
 tio, quàm iniqua tui Parentis. Iam vero Li-  
 bauius ipsam Paracelsiam propugnat. Veræ  
 Galeni doctrinæ aduersatur. Quæ fuit no-  
 stræ responsionis occasio. En fides tua dex-  
 tráque.

## O B I E C T I O I V.

*Profitetur se nomine Scholæ id agere. Et titulum libri id præ se fert.*

## S O L V T I O.

Quidni vero cum sim scholæ alumnus? Libero matrem à calumniis, quibus tu tuique similes illam exposuisti. Doleo Scholam clarissimam tua & tuorum culpa contempni, vapulare, conculcari. Si tu es desperatæ salutis, si obmutescis ad tua opprobria, quidni te deffendam, cum hoc negotium sit & meum? Cum tua in scitia, tua fuga, meum latus pateat aduersariorum vulneribus? Nonne tu es ille qui me obnixè rogabas, si quid haberem contra Libauium tibi impertire? Nonne Petrus sapius dixit, eum de Republica benè mereri, qui Libauio responderet? Nonne facundus alter Hippocrates Duretus, mira dicendi potestate confecit ut dissensio inter Scholam & Quercetanum nata coalesceret, etiã contrà balbutiente tuo Petreo? Nōne tū diuinus ille Duretus, Alchemiæ veræ vtilitatē & necessitatē, ex Auicenna, Rasi, Bulcasi, Mesue, Fernelio, Syluio & aliis multis exposuit? Cui ordo vniuersus subscripsit. Ergo tale fuit Scholæ nostræ Iudicium de Chymia; quo

Paracelsiam reprobet, aliam vero & nostris  
 medendi legibus consentaneam amplexetur. Quod & Parens tuus Riolanus respondit Libauio. pagina 20. mania his verbis. *Non tantum schola per suum Censorem semel atque iterum significauit se non promiscuè Alchymiam omnem exterminare, sed eam tantum quæ principiis falsis & ridiculis Hyppocratis medicinam subuertit, verumetiam hanc clausulam suæ Censuræ inferi vult.* Tale fuit inscriptionis fundamentum. Nam duæ sunt Chemiæ facies, vna vera, legitima, medicinæ filia, ad quam non minus anhelare debeat optimus medicus, quàm sapiens & patiens Vlysses ad suam Penelopem. Alia falsa, nugatrix, impostoria, cuius solius tanquam ancillæ amoribus potiti sunt Paracelsus & Libauius, & similes sponsi Penelopes, cum domina potiri non potuissent. Ego verò me hostem fucatæ illius Chemiæ sum professus. Vera est quæ se nobis potiundam voluit. quam Scholæ iudicio probamus. Quam Paracelsiæ opponimus. Ego arcum illum quem solus Vlysses intendere potuit, in illos procos, in Paracelsum & Libauium vibraui. Quid est ergo, in quo laboriosus & laudabilis meus conatus scholæ displicere potuisset? Cur ægrè feret sibi illatam iniuriã, suo nomine & numine vlcisci? At non fuit is scholæ animus. Soli sunt quinque, aut sex Carilinæ, ceu cõiuraticælum rescindere nostrum. Hi iam mu-

tant Clypeos, Danaumque sibi aptant insignia. Quod si à Libanij partibus stare velint, non recuso quin Hippocraticus & Galenicus dicar, quin scholæ nostræ apologus, téque, tuosque, vt trāsugas habeam aduersarios; quos facillè tanquam causæ iniquitate malè fultos profligauero. Maneat ergo Scholæ iudiciū, quo sua veritas, sua dignitas, asseritur deffenditur, vindicatur. Dum honoratum Doctoris titulum à matre honoranda accepi, sacramēto adstrictus sum eius causam dicere, artis honorem propugnare.

## O B I E C T I O V.

*Intereſt ſalutis publicæ in hæc animaduertere. Perderet Libanius medicos ex his præceptis & vniuerſale & particularia ſperantes.*

## S O L V T I O.

Quem hic errorem habes fatue? Vin tu quæ Libanius, propugnare? Moneo illum toto cælo errare, & in vniuerſali & in particularibus. Si hoc errare eſt, contrarium eſt verum, verus eſt Libanius. Neque enim te adeo inſanire puto, vt me credas cum illo ſentire, niſi veterno oppreſſus legere neſcias.

## OBIECTIO VI.

*Astra de cœlo detrahuntur. Spiritus pollicentur  
 esse <sup>liberos</sup> <sup>liberos</sup> à communi elementorum conditione  
 emancipatos. Et tu quid aliud polliceris?*

Quæ vero tua vesania ! Doceo talia nulla  
 esse, quòd essentiam, quòd spiritus, quòd  
 astra velint, corporibus spoliata. Affero me-  
 dicamentum agere essentiæ facultate. Sed  
 nolo eam omni subiecto, omni corpore li-  
 beram. Si corpus consociale assimilo vt fiat  
 sequacius, an illud tollo? Aliter ieiunus sta-  
 tues, si tibi mica sit cerebri.

## OBIECTIO VII.

*Dispercam, si vnquam honoratissimam Chymiam  
 reuelatam viderint.*

## SOLV TIO.

Si quædam Alchymia utilis, vt Parës tuus  
 demonstraui scholæ nomine: aut trium-  
 phatus es, aut aliam à Libauiana docere de-  
 bes. At inuictis rationibus confeci veram  
 Alchymiam Libauio ignotam. Quidni ergo  
 iusta hæc assertio?

## OBIECTIO VIII.

*Genuina Alchemia ipsissima pollicetur, quæ maiores. Imo audet maiora & feliciora omnia. Alimenta habet medicamentosa, quibus natura labascens restituatur.*

## SOLVITIO.

Ni hoc verum, quæ Chymicæ utilitas? quæ necessitas? At maiora verè præstat suis præparationibus. Declinat convulsiones ab Helleboro lethales. Incommoda quæ veterum sequuntur medicationes tollit. Alimenta medicamentosa sunt, aquæ bezoardicæ, resumptivæ, Imperiales, alexipharmacæ, & similia quæ momento spiritus reficiunt, vires recreant Lypothymias depellunt.

## OBIECTIO IX.

*Aloe, colocynthis, elleborus, hoc artificio mansuescunt, ingratum saporem deponunt, inuiolata purgant, disfaciunt. Sublimatum euadit æmior. Confundit arsenicum cum sandaracha & realgare.*

## SOLVITIO.

Verissima omnia & mihi notissima. Sed  
ridiculus



rediculus es omnino, cū ex me subilicis arsenicum, sandaracham, realgar vnum & idem esse, quod tribus nominibus enunciatur. Quo vero iure vnitatem essentiae colligis ex nominum varietate. cum tu tantum distes à vita functo parente, quantum asinus à philosopho. Et tamen tibi & patri nomen & cognomen idem. Sed animi gratia, sit ita. Placet hæc tria nondum præparata vnico nomine, tibi mordenda exhibere. Quid inde? Arsenicum duplex est, auri-pigmentum & sandaracha Græcorum, siue citrinum & rubrum. Differunt sola coctione, qua illud in hoc transit. Fortasse bæoticum ingenium album putauit arsenicum: solum enim hoc nomine vulgatur. Haud intelligēs, adeo rudis es, factitium esse, non natium.

## O B I E C T I O X.

*Alij medici ignorant mysteria arsenici & sublimati.*

## S O L V T I O.

Hic & vtique peccatum, mendacium. Quod commune cæteris medicamentis volui, tu ad hæc sola adstringis. Addis nomen mysterij ignotum tibi. Si verum est te latere hæc vtilissima medicamentorum artifi-

cia, & tui similes Chymiaë ignorantissimos, Quid mihi erroris tribuis hæc assertionem. Cur addis alios medicos, nisi vt tuam prodas vesaniam? Sermo erat de solis pseudo chymistis. Chymici cōferuntur cū Chymicis. Veri, cū falsis, Arnaldus cum Paracelso, Palmaruis cum Libauio. An regnante Chymia vera, medicina tollitur? Imò illustratur exoratur perficitur. Vt iterum atque iterum pro schola significauit pater Riolanus. Artes omnes communi societatis vinculo copulantur, mutuas sibi tradunt operas.

#### O B I E C T I O   X I .

*Alchymia Palmarij vnicum habet ignem, vnum, vnum medicamentum. In his tribus consistit, quæ non explicat.*

#### S O L V T I O .

Labra asinina non sapiunt tales lactucas. Hæc tibi mira sunt & tu Cenforem agis. Nescis quid vniuersale, quid particulare, & in hæc tamen somnias tua deliramenta. Conquereris quod non explicarim. ô digna querimonia ! Iam monui te non esse idoneum auditorem. Margaritæ non proiciuntur canibus. Hæc indignis impertiri nefas, inquit Fernelius. Nihil in toto opere doceo, vt supra errabas. Quid ergo manife-

ſti expectas? Cæterum, quæcunque notaſti  
de igne paginis 22. 24. 26. vera ſunt omnia.  
Vide quid contra grunnias?

## O B I E C T I O   X I I .

*Quis vnquam ſanguine humano ſanauit lepro-  
ſos, niſi ſit lacertæ ſanguis?*

## S O L V T I O .

Tibi vero Elleborus non ſanguis. Ea ne  
es impietate vt ſæuias in puerulorum ſan-  
guinem? Reſiſce. Ita locuti ſunt Chymi-  
ſtæ. Hic litera occidit. Sanguinem dicunt  
ſuam medicinam, ſed lacertæ, baſilici quin  
& hominis, vitis, terræ, & ſimilium. Pro-  
pterea monebam Libauium attendendam  
eſſe naturæ poſſibilitatem in legendis au-  
thoribus. Sic Herbaria habent androſæ-  
mum, fel terræ, fumariam, & ſimilia.

## O B I E C T I O   X I I I .

*Opera naturæ & artis vult eſſe ſimilia, quod  
probat ex anatome partium officialium noſtri cor-  
poris. Boccie figura ex ventriculo deſumpta. Co-  
quit ventriculus calore vicinarum partium, quod  
ſalſum eſſe demonſtrauit Fernellius.*

C ij

## S O L V T I O .

Quidni vero similia? Ars imitatur naturam. Ad naturæ simulachrum efficta est medicina. Lex est rescripta naturæ. Sed si similia, an eadem? Si figura ventriculi dedit exemplum bociæ, eritne boccia ventriculus? Te volebat Diuinus senex. *1. de diætâ* οἱ ἄνθρωποι ἐκ τῶν φανερῶν τὰ ἀφανῆ σκέπτεσθαι ἔκ ἐπιστάναι. τέχνησι γὰρ χερόμενοι ὁμοίουν ἀνθρωπίνῃ φύσει, ὃ γινώσκουσιν. Homines ex manifestis obscura coniiicere nesciunt. Cum enim artibus vtantur similibus humanæ naturæ, id ipsum tamen ignorant. Similis farinæ est quod addis de calore vicinorum; cum insigni mendacio sententiam & verba corrumpis. Sic enim scribitur ventriculus fouetur calore vicinorum. Tu reponis coquit ventriculus. quasi nihil intersit discriminis. At enim fouere, iuuare, estne idem quod perficere? quod coquere? Qui adiuuat estne operis author! Dum mulus te iuuat ad visitandos ægros, an mulus sanat ægros, an asinus? Sed vbi Fernelius tecum locutus est? *l. 6. c. 1. phisiologiæ* sic habet. Facultas concoquens cibum mutat & conficit, nullis fibrarum adminiculis, sed tum proprio calore & spiritu, tum eo quæ vt lebet magno circumiectus ignis, ita & proximæ partes illi inferunt iecur, lien cor, &c. Itaque his omnibus tā-

quā ministris adiutus &c. Hæc est tua insci-  
tia qua Fernelium, Columbum & meipsum  
lædis. Quæ patientia hunc feret professo-  
rem ignorantia.

#### OBIECTIO XIII.

*Supereſt Spagiria, ea præparatio medicamento-  
rum quæ meliora reddat & morbis expugnandis  
utiliora.*

#### S O L V.

Quorſum vero erroribus hoc tribuis. Vis  
ergo vt iam monui Libauiana tutare. Hic  
eius ſpagiriam reprehendo. doceo non præ-  
ſtare quod pollicetur. Tu errorem clamas.  
Quis erit niſi tuus? Putas cenſorem egiffe ſi  
aliquid brutè ejacularis, etiam contra pro-  
feſſionem. hoc parit mentis cæcitas. mirum  
quî tricolor Geryon non videat acutius.

#### OBIECTIO XV.

*Vis purgandi calori & frigori ſociatur. Poſſunt  
tollī eiſmodi qualitates manēte cæleſti inuiolata.*

#### S O L V T.

Semper deprauor. Quod de ſaporibus  
dicitur tu ad primas qualitates. Sed ſit ita.

Quidni? præcesserunt rationes affirmatio-  
nis. Exemplum sublimati probat & primas  
qualitates aboleri. Possunt enim vt secunde  
inde nate. Hoc vltro tibi concedo. Quando  
nihil mordendum inuenias. Age ergo in  
tuum figmentum. Sum propugnaturus. nisi  
possis tace vt stultus sapienti sit similis.

#### OBIECTIO XVI.

*Stibium citius sedabit febrem, quam exhibitum  
rhabbarum.*

#### S O L V T.

Hercules tuam fidem! Obiectionem pro  
conclusionem affingit impostor. Sed & hoc  
mordeas. veram dico obiectionem eo sensu,  
quo allata est. quid inde.

#### OBIECTIO. XVII.

*Non negatur ex mineralibus peti medicamenta  
quæ istos prolestant humores, dicetur aliquando  
mineralia vires habere fortiores.*

#### S O L V T.

Quis præter te hoc negabit nugigerule?  
Tu es magister in Israel & hæc ignoras? Ple-  
ni sunt authorum libri, plena vetustas exem-

plis. Vide quo te ferat stulta tua contradi-  
ctio.

### OBIECTIO XVIII.

*Contendo eiusdem esse miscere & dissolvere.  
Quæ natura miscuit, non potest ars disjungere.*

### S O L V T.

Vera tam sunt ista quam tu es falsus in omnibus. Nescis quid sit misceri naturali-ter, quid dissolui. Quid natura possit, quid ars.

### OBIECTIO XIX.

*Hippocrates medicum ἰσθῆτον existimavit, quod  
ea quæ ad sapientiam requirantur, una continean-  
tur medicina.*

### S O L.

Quid hic erroris asine, si non est Hippo-  
cratis ἡ ἰητρὸς φιλόσοφος ἰσθῆτος. ὃ δ' ἐν τῇ πρὸς σφί-  
διν ἡβρικήῃ πάντα. Sic professor profitemur Hip-  
pocratem mendacium illi tribuendo, erro-  
rem pro laude. Te ad Tonstrinas dei ciant  
proceres ignarissime professor.

## O B I E C T I O   X X .

*Sine Chymia associatione nostra medicina inutilis & infructuosa.*

## S O L .

Vbique mendacium. Ita scripsi. vnus Chymia associatione medicina id potest. vbi tua medicina inepte? Quæ enim illa sic ipse nescis. Quod autem dixi, verum est. quid inde? Si aliter sentis tu spurius & Galenicus. Tu materiatus & elementarius medicus. Tu Hippocrati & Galeno aduersaris, si in rebus nihil nisi manifestum consideras. Quis ergo error, nisi tuus & tuorum!

## O B I E C T I O   X X I .

*Conqueritur, quod sublata diuinitate nostra medicina facillima sit.*

## S O L V T .

Erras, mentiris perpetuò. Quorsum enim querimonia de tua medicina? Nam quæ illa est, quæ tot flagitia, tot mendacia continet. Aperi si potes. Sic eris Thessalus, ille impostor qui semestri spatio te tuam medicinam docuit. Ille inquam qui iurat peritum esse medi-



medicum qui sola fenna & syrupo rosarum  
solutiuo uti norit, omnesque morbos de-  
moliri.

### OBIECTIO XXII.

*Exoptatur Chymia quod doceat medicamentum  
vniuersale &c.*

### SOLVTIO.

Quidni vero optanda, si id potest? vete-  
res tandiu obtinuerunt compositis, quandiu  
simplicia satisfecerunt. Pauca inuenias com-  
posita apud Hippocratem. Si possibile esset  
vnicum, sine dubio tam multis anteponen-  
dum esset. At non is fuit authorum sensus.  
Non fuerunt adeo plumbei ut suo vniuersa-  
li particularia tollant. Imo est ex particula-  
ribus. Agit, sanat cum illis ipsis. Eorum a-  
ctiones limitat, dirigit, elicit. quod de natura  
voluit Mesueus. Est enim ferè natura ipsa.  
De quo plura in propria interpretatione.

### OBIECTIO XXIII.

*Multus est in laudandis Chymicis ex operatione  
ruta, facili, iucunda. Contra Libanum negat calo-  
rem caelestem mutari in igneum.*

### SOLVT.

Vera hæc omnia. quid inde? Vin tu con-  
D

tra sentire. vñ tu cælum terræ mutare? Ad-  
disce quæ illic sunt propugnacula.

OBIECTIO XXIIII.

*Calor cælestis est materia elementi ita attenuata,  
calor eius adeo auctus.*

S O L.

Hercules tuam fidem! Impostor mon-  
stra fingit, quæ mihi objicit. Quid non pote-  
ris tuis deprauationibus & additionibus  
maſtigia? Quasi vero dixerim materiam ele-  
menti esse calorem cælestem. Quid hoc ef-  
fet? calor est calor auctus. Hæc monstra tibi  
familiaria sunt, putas mihi vt tibi commu-  
nia. pudet ista persequi & tuam prodere in-  
fantiam. Docebam vnde caloris exuperantia  
in oleis cinamomi, ceræ, caryophyllorum.  
Libavius Respondebat Riolano esse idem  
temperamentum sed gradu auctum. Gram-  
mano calorem natium, cælestem, mutatũ  
in igneum. Ego contra, demonstraui impos-  
sibilem esse cælestis in elementare mutatio-  
nem. dixi qualitates primas intendi & re-  
mitteri, sine cælestium interitu. Calorem cæ-  
lestem illibatum manere etiam in istis exu-  
perantiis elementorum. Vnde ergo hæc ca-  
loris summitas dices? Sic satisfeci, materia  
elementi est ita attenuata laboribus chymi-

cis, calor elementi dominantis adeo auctus  
 ut ad summum accedat. Addidi experimen-  
 tum. Quod tantus calor remitti soleat con-  
 trarij elementi permistione. Ut vitriolum  
 aqua adiecta. Vnde concludo non esse cœ-  
 leste quod augetur, quod exuperat, quod  
 nocet, quod contrario moderatur. quia ca-  
 lor cœlestis nunquam exuperat, nunquam  
 vitio datur. non habet contrarium quo re-  
 mittatur. Vnde concludo horum reme-  
 diorum efficaciam contra Libanium. Qui  
 & nostras infusiones accusabat, quod ni-  
 mio liquore dilutæ sint, vnde propria fa-  
 cultas hebescat. Sic enim nunquam labefa-  
 ctatur salutaris & optabilis facultas à cœlo  
 oriunda. Abi ergo Censor ignare, qui ex  
 his colligebas caloris natiui definitionem,  
 legere nesciens, nec scripta intelligere va-  
 lens. Sic Columbo, sic Hyppocrati, sic Me-  
 dicis Parisiensibus sub Ludonico ix. impo-  
 suisti. Quam tædet & pudet ita rudentem  
 asinum audire.

#### O B I E C T I O X X V.

*Chymica propter elaborationem perfectiorem lai-  
 dat & contrarium asserit pa. 67. 69.*

#### S O L V T I O.

Aut cæcus es animo & corpore, aut des-

D ij

perata es nequitia. Quasi vero quod diligenter paratis tribuo, id ipsum concedam Libauianis? Et toto illo capite demonstro Libauij artificium veritati aduersum. Adeo es bardus & stupidus, vt nescias quid laudetur quid criminetur.

#### OBIECTIO XXVI.

*Pereant seruos, acrimonia, simulque vim purgantem exalta. Tum dicam te Chymicum eximium. tum Parisienses habebis fautores.*

#### SOLVTIO.

Quidni vero probi docti & φιλοτάλμοι fauebunt. Tu qui nescis, quid bonum, quid vtile, non eris ex eorum numero.

#### OBIECTIO XXVII.

*Malim ego Parisiensem & omnium Dogmaticorum pharmaceutica, quam tua.*

#### SOLVTIO.

Quis hic error. Nonne tuam prodis vesaniam? Cum te & tua laudo, recalcitras. Errorem clamas. Erraui fateor. Tu es laude indignissimus. Ratio est in antedictis, asine. Nam si Libauiana deteriora sunt integris,

quidni ego Pharmacia[m] antep[on]am Chymia[e] Libauij? Carneades tibi Elleborum, v[er]o scripta intelligas.

# OBIECTIO XXVIII.

*Est natura nostra rheo, senna, pani, vino, loco propriae vegetantis. Tunc illa viuunt nobis.*

## SOLVTIO.

Quidni vero ignare? Dum vituli caro mutatur in tuam substantiam, visne manere vituli & sentientem & vegetantem? Nonne tu vegetante, tua natura informatur panis assimilandus? Nonne viuit cum sit pars viuens? Et vnde hoc motus initium nisi a constituta? Viuens rheum propria forma informatur. anima ἐντελεχίᾳ agitatur. At emotioni & introsumpti qua virtute incitatur factas? Si retines in carne vitulina animam bruti, qua velis tuam restaurari, caue ne continua accessione vitulus fias. Facilis enim est inter symbolica transmutatio.

# OBIECTIO XXIX.

*Vniuersale affirmat ex mineralium familia orindum.*

## S O L V T I O.

Verum hoc deffendo secundum materiam. Sulphur vegetabile præterea desideratur. Sed hoc occultum tibi. Caue ne te occidat.

## O B I E C T I O   X X X.

*Liquor ille qui elicitur ex mineralib. vniuersalis, cælum dicitur. adeo conuenit cælo vt cælum ipsum dicatur.*

## S O L V T I O.

Sic loquuntur authores. Quinta est elementaria. quintum elementum Aristoteli. Typus est artis. Non aliter ac Riolanus debet succum esse animam plantæ. Sic anima diffusa est per vniuersum, vt quodammodo plena animarum sint omnia. Sic & plera cælorum. Malitiosè sententiam deprauat addendo (qui elicitur ex mineralibus) non nisi sulphur vegetabile desiderari.

## O B I E C T I O   X X X.

*Nostram pharmaciam deprimat & Chyniam extollit.*

## S O L V T I O.

Erras, mentiris. Non deprimō pharmā-  
ciam. sed illustro, locupletō ista Chymia ac-  
cessione. Quicquid Chymicum, volo phar-  
maceuticum. Quasi dum posteri medica-  
menta Hyppocratis & Galeni accuratius  
præpararunt, pharmaciam neglexerint. Sed  
si chymia nihil conferret, quæ eius necessi-  
tas? Cui bono Riolanus pater admisisset  
Scholæ nomine, nisi vt Libauij Triumpho  
daretur locus?

## O B I E C T I O   X X X I I.

*Aurum addetur liquore conuenienti solutum.*

## S O L V T I O.

Verum hoc est. Quid inde? Quis error? ni-  
si tuus ex tua ignorantia?

## O B I E C T I O   X X X I I I.

*Damnat nostra medicamenta ex Integris com-  
posita.*

## S O L V T I O.

Erras. Non damno. Sed dico plus posse

Chymica simul mista. De quo' peculiari  
capite.

OBIECTIO XXXIII.

*Manus Chyrurgi citatur, tardatur ad arbitrium.  
quanto magis medicamentum quod constitutos ha-  
bet actionum terminos.]*

SOLVTIO.

Sanè quod à natura est non potest aliter  
se habere. Natura est fixa & mutari nescia.  
Naturæ motus non sunt in nostra potesta-  
te. Quod ergo benignum medicamentum  
non potest natura sua, nulla arte, nulla præ-  
paratione acquiras. Satiùs est ad valentius  
transire. Vt benigna Chyrurgi manus fit  
crudelis in necessitate. Si cinamomum na-  
tura sua non potest escharam inducere, ad  
escharoticum veniendum. Aloe eccopro-  
tinum est, nūquam serum in capite, in habi-  
tu exundans euacuabit. ergo ad hydragoga  
confugiendum. Sic sæpè à minoratiuis ad  
erradicantia. Nequis sensum assequi, & er-  
rorem putas.

OBIECTIO XXXV.

*Non est artificis rerum naturas ad maiora co-  
gere.*

SOLVTIO



## S O L V T I O.

Ni hoc verum doce, contrarium. Fac vt  
medicamentum primæ regionis per se pri-  
mo tertiam euacuet. Vt cholagogen fiat  
phlegmagogen. Potest quidem vehemens  
mitius reddi, non contra.

## O B I E C T I O   X X X V I.

*Laudat mercurium laudabile præsidium, cuius  
maleficia calumniatores obiectant, tacent commoda.  
sublimatione paratum mercurium extollit. Est in  
occiso, suffocatoque hydrargyro secretum.*

## S O L V T I O.

Vera hæc sunt omnia. Tu calumniato-  
ribus similis. Tibi vt Libauio hæc inco-  
gnita.

## O B I E C T I O   X X X V I I.

*Purissima & laudatissima mercurius extrahitur  
ex corpore magnesiæ, id est antimonij.*

## S O L V T I O.

Pol! tu es consultissimus Chymicus, cum  
tua interpretatione de magnesiæ. Minerua

fuem doceret, si de his plura. Laterem lava-  
rem. nihil enim sapis, nihil capis, Si magne-  
siam velis stibium. ergo Hippocrates dedit  
stibium suis ægris, ut est lib. de intern. af-  
fect. dum nominat *λίθον τῆς μαγνησίης*. Et Pli-  
nius malè voluit magnetem hoc nomine.  
Sed an ignoras concordantiam adiectiui  
& substantiui, dum copulas, laudatissima  
Mercurius? Tuæ scholæ improprietates &  
soloecismi hoc extorserunt; dum tribuis  
puro mercurio, quod crystallinæ eius sub-  
stantiæ debetur, quod es ad artem refertur.  
Dicitur enim, eadem arte mercurius præpa-  
ratur, per mercurium extrahitur. Et hîc pro  
more soloecizas. Misera Parisiensium me-  
dicorum Schola, nisi cautiores habeat Cen-  
sores. Infamis si tales approbet. Quid ergo  
mirum, si octo cæci hîs Censoribus edocti,  
brutum illud fulmen fabricarunt? Quàm  
prudenter triginta periti & generosi Ascle-  
piade has imposturas sua authoritate spo-  
liarunt.

#### OBIECTIO XXXVIII.

*Venena & medicamenta mutuo permutantur,  
non solum usu, sed quod præstabilius, præparatione.*

#### SOLVATIO.

Quidni vero asine? Venenum dicitur ab

effectu φαρμακὸν φέρον ἄχος. Dicitur & medicamentum φέρον ἄχος. Quod si non venenet, sed medeatur, quidni dicetur medicamentum, non natura, sed usu? vicissimque usu nefario medicamentum natura salutare, fiet delecterium? Dum sublimatum pro cauterio datur, ex veneno fit medicamentum. Dum rhaharbarum datur calido & sicco Iecori, mors eius est. Quod attinet præparationem, oleum de scorpionib. theriaca, & alia multa fidem facient. Serò saltem sape, si non serio.

#### OBIECTIO XXXIX.

*Mercurij præparatio mirabilis est, qua ad vniuersalem naturam ascendit, adeo naturæ placet, vt nihil moueat, si nihil oberret in viis communibus.*

#### SOLVTIO.

Hoc verissimum est. Quid tum? Si talia potest nōne catholica imitatur? Scilicet vacuat, quod diffluit in aluo. At certis temporibus certi humores redundant, vt sancit Hippocrates. Quidni ergo educetur quod fluere paratum est? Natura spontinis perturbationibus τοῖσι πλεονεξίαις τῆς κοιλίης sæpè idem molitur, & cum sennam tuæ omnes schedulæ habeant, vide si velis vniuersale. Vnus ex tuis Thessalo breuiùs medicum formauit sola sennâ & syrupo rosarum instructum.

Theſſalus volebat alium mouere & ſiſtere.  
Huic ſatis eſt mouere. Propterea illi & tibi  
Chymia eſt inuiſa. Nimis operoſa eſt in tot  
laboribus, quos dedignatur maietas Theſſ-  
ſalica.

#### OBIECTIO XL.

*Ergo horum effectuum cauſa frigori, non calori  
eribuenda.*

#### SOLVTIO.

Quorum vero deprauator? Tu inſigni  
malitia argumentaris à diuiſis ad coniuncta,  
vt lectori imponas, & mihi, quod damno.  
Quaſi velim facultates ſalutares à frigore,  
cum potius maleficas illi referam. Vt tu  
cum tuis deſinas pro veneno corroſiuo ha-  
bere. Id enim tam falſum eſt, quam te eſſe  
bonum medicum.

#### OBIECTIO XLI.

*Hydrargyrus veneni expers eſt. expers & ſti-  
bium. intrepidè datur à Græcis, Arabibus ad ex-  
ternos & internos affectus.*

#### SOLVTIO.

De crudo & nondum præparato nullus ni-

si tibi similis, id est, ignoratissimus, negabit. crudum enim aut simpliciter vstum tractarunt veteres. Quomodo & antidotaria admittunt idipsum. Dioscorides miscuit elaterio. Quæcunque addis truncata, vera sunt eo sensu, quo descripsi, non tuo. Eodem purgat Hippo. nomine *πετραῖον*. stibium Galenus interpretatur, vt & Fæsius & alij.

## OBIECTIO. XLII.

*Ex illo crystalli habentur, qui nulla vacuatione tertianas expediunt & quartanas.*

## SOLVTIO.

Quidni vero, si præcesserit euacuatio? Tùm contumaces obstructions liberantur, febris causæ continentes. An insensibilem molitur euacuationem, nō aliter ac theriaca flatuosos intoxicatorum tumores dissipat? sed si id efficit sine euacuatione, an ea excluditur necessaria & catharticis aliis cōparanda? Hæc volui vt te riderem & tuos qui vomitum putas à stibio inseparabilem. Nam arte, quælibet euacuatio subtrahitur, tanta est artis vis. Hoc quia te fugit, erroribus tribuis. Ignoras, quia tuæ & vulgari Pharmacix impossibile.

## OBIECTIO XLIII.

*Nulla ante Galenum excogitata est intemperies,  
quam Hippocrates inutilem pronunciauerat.*

## SOLVTIO.

Disce ex Hippocrate. nuda enim intemperies intelligitur. Disce ex Simonio & aliis iuniorib.

## OBIECTIO XLIIII.

*Potest natura simili substantia restaurari, potest  
reponi non solum similis sed fortior, sed constantior.  
Nam si ars potest naturam imitari, quidni & ipsam  
superabit? Chymia hoc vnum potest. medicamento-  
rum & venenorum vires permutat salutaribus.*

## SOLVTIO.

Verum in conualescentibus, in naturis morbofis. quod declaratur verbo restaurari. Qui resurgunt à morbis, alimentis euechymis, eupeptis, naturæ amicis restituuntur. Multoque magis si chymiam experta sint, vt gelatina, distillata, restaurantia & similia. Sic qui fugaci erant valetudine, curati constantiorem ostendunt. Cætera non minùs vera, & inuictis experientiæ testimoniis comprobata.

## OBIECTIO XLV.

*Laudes Chymiae & Chymicorum refert.*

## SOLVTIO.

Optimo quidem iure, quamquam non eas  
quas promeretur.

## OBIECTIO XLVI.

*Aurum potabile deffendit, quod ab eruditis me-  
dicis damnatur.*

## SOLVTIO.

Quinam vero illi? Qui vt cæci de colori-  
bus iudicant. Esne cum Fernelio comparan-  
dus? Scilicet, qui tecum sentiūt, tibi soli, soli  
sapiunt, tibi eruditi, nō sunt doctis, non expe-  
rientiæ, nō inuictis demonstrationibus, non  
veritati. Tu ignota habes cum tuis, pro im-  
possibilibus. Quod de igne addis ex pag. 138.  
verum est, de quo antè.

## OBIECTIO XLVII.

*Natura res suas facit modis arti incompertis.*

## S O L V T.

Sed quis error asine? mistionis modus soli Deo & naturæ cognitus. Tu-ne Deus es, qui hæc noris? O idolon vero veneratione dignum! Tu potius naturæ monstrum, quàm natura.

## O B I E C T I O   X L V I I I .

*Approbat Chymiam.*

## S O L V T.

Quidni vero stulte? Eam probant docti omnes. Probavit Schola per tuum parentem.

## O B I E C T I O   X L I X .

*Impudenter profert historiam leprose mulieris persanatæ Chymicis remediis, ut eorum efficaciam extollat. Testes adducit medicos qui non viderunt.*

## S O L V T.

Tu vero insigni es impudentia, qui negas doctos medicos eam visitasse, talemque prononciasse persanatam affirmo ab Elephantia: quanquam supersit cutis affectus, qui potius inquit Hippocrates, turpitudine est, quàm morbus, topicis delendus, ut habet historia. quam veram deffendo.

## O B I E C T I O



## O B I E C T I O . L.

*Parisienses medici ostendent Persanatam.*

## S O L V T I O .

Me me adsum qui faciã, si placeat superis. Vbi cutis fœditatem & turpitudinem meis remediis deleuerimus. Tanta autem est vt tam cito non possis. Cacoetthiam abesse nos asseueramus quam reformidabat Hippocrates in cancro occulto. Tumores enim tuto aperiuntur causticis, vlcera clauduntur citò. Quid tu ad hæc insanis? Tibi nostra præsidia quæ bilem ἀρετων vacuent, vt sis Carneadês prudentior.

## O B I E C T I O . L I .

*Dedimus aurum potabile exuberatum supra sphæram exaltatum nec reductile & antimonium.*

## S O L V T I O .

Vera omnia de quibus antè. Omittis pro more in antimonium, non vulgare, quia ignoras quid sit.

## O B I E C T I O L I I.

*Sanè si decantatum lapidem haberemus, morbus  
omnis vnico mense vinceretur.*

## S O L V T I O.

Quidni si vera sunt locuti authores? Scias  
velim me non id affirmare. Sit possibilis aut  
impossibilis lapis nihil ad nos. Nominatur  
qualis describitur ab illis, qui nec rationi-  
bus carent. Votum nostrum est pro artis  
ornamento, pro ægrorum commodo. Si  
non licet habere liceat exoptare. De hoc  
plura nomine vniuersalis. Vbi hæc tua ob-  
iecta exploduntur.

## O B I E C T I O L I I I.

*Existima Alchymiam veterum illis in summo præ-  
tiorio esse, tantum abest vt calumnientur.*

## S O L V T I O.

Alchymia omnis, vera est aut falsa, vetus  
aut noua, medica aut Paracelsica. Veram di-  
co veterem, medicam, pharmaceuticam. Fal-  
sam Paracelsicam. De vera, Geber, Auicen-  
na, Rasis, Bulcasis, Mesues, Fernelius,  
Sylvius, Palmarius, Liebauius, & Riolanus

Scholæ, vt est in solutione quarta declarata. Aut ergo cum his sentire debes, aut cum Páracelso, nisi recantare malis, & Parentis cineres tuo mendacio inficere. Quid ergo ô Scholæ Parisiensis procures! An patiamini his næuis, his cicatricibus vestrum nomen deturpari, defœdari? Si hæc vestrum omnium est Palinodia, etiam in obiectione 48. expressa, iustus ne fuerit Libauij triumphus? Maturè sapite; Non sero, sed serio. Hoc monstrum Censorium vestra auctoritate indignum spoliare, ne malè apud omnes exteros audiatis. Ne videatur clarissima schola Panagæa Diana. Censuram sequentem approbate, desumptam ex probatis authoribus nostræ quondam scholæ clarissimis syderibus. Ne fidite vestrum nomen exteris nationibus honoratum his Geryonibus, qui Chymix prorsus ignari, de illa tamen apud vos omnes legitimè congregatos dixisse impudentissimè mentiuntur. Vestrum Palmarium pro vobis contra aduersarios vestros dicentem, ab eiusmodi laruis illæsum custodite.

# CENSURA IN FVL MEN

VENTANEVM, AB IDIOTIS aliquot euulgatum falso Scholæ medicæ Parisiensis titulo, Contra M. P. Palmarium Doctorem Parisensem, Ex scripta ex Commentariis Hippocratis Galeni, necnon Fernelij, Syluij, Palmarij, Liebautij & ipsius Scholæ placitis obuallata.

*Lib. De  
arte.*

**S**ERMONE in honestorum arte, ea quæ ab alijs inuenta sunt turpiter incessere, non corrigendi, sed ea quæ à peritis inuenta sunt apud imperitos calumniandi studio, id non scientiæ institutum & opus esse videtur, sed aut petulantis naturæ, aut ignorantiae iudicium. Solis enim iis qui artis ignari sunt, & ambitiosè quidem inuident, propter imperitiam vero meliora præstare nequeunt, conuenit, vt ad aliorum opera vel recta calumnianda, vel nõ recta reprehendenda, sese conuertant. Inuenire aliquid eorum quæ nondum inuenta sunt, quod ipsum notum quam ignotum esse præstet scientiæ institutū ac opus esse mihi videtur. Similiter & imperfecta ad finem perducere & absoluere.

Τὸ λόγον ἔχων πάλιν τὰ τοῖς ἄλλοις εὐρημένα αἰσχύειν παρορθεύοντα, ἐπαπορθεύοντα μὲν μηδὲν, διαβδύλοντα δὲ τὰ τῶν εἰδότεων παρὲς τοῖς μὴ εἰδότας ἐξευρήματα, ἔκκει δοκεῖ ξυνέσιος ἐπιθύμημά τε καὶ ἔργον (ἔ), διὸ κατὰ γελίην μᾶλλον φύσος, ἢ ἀτεχνῇ μονοῖσι γὰρ τοῖς αἰτέχοισιν ἢ ἐργασίῃ αὐτῇ ὁρμῶζει, φιλοτιμυμέτων μὲν, ἔδομα δὲ δυναμένων κακίης ὑπερβῆναι, εἰς τὸ τὰ τῷ πέλας ἔργα ἢ ὁρτὰ ἐόντα διαβδύειν, ἢ ἔκ ὁρτὰ μωμείας. ἐμοὶ γὰρ τὸ μὲν πὶ τῶν μὴ εὐεπισκομένων ἐξευεῖσκιν, ὅπῃ εὐρεθὲν κρείσσον, ἢ ἀνεξευρέτον ξυνέσιος δοκεῖ ἐπιθύμημά τε καὶ ἔργον (ἔ), ὅτ τὸ τὰ ἡμέτερα ἐς τέλος ἐξεργάζεσθαι ὡσαύτως.

Atque ego sanè non multum abest quin *Cal. l.* illorum laudem sententiam, in eamque *simpl.)* promptè accedam, proque hac assertione atque opinione pericula omnia subeam si quam machinam aut artē inuenire queam, sicut in lacte contrariarum partium separationis, ita hic quoque.

καὶ ἔργον ἂν ἐπηρεασι τὴν γῶμιν αὐτῶν, καὶ ἐτοίμου παρορθεύοντα. καὶ συνεκιδιμεύοντα πρὸς τὴν ἀπόφασιν τε ὅτι δόξαν, εἰ πῶς μηχανῶν ἐξευρεῖν ἢ δυνάμειν, ὥσπερ ἐν γάλακτι τῶν ἐναντίων μορίων τῆς διακρίσεως, ὥτω καὶ αὐτὰ.

Excogitata multis hominibus ratione qua partes caseosæ à serosis separari possint.

πολλῶν τοῖς ἀνθρώποις ἐξευρημένων τρόπων εἰς τὴν διακρίσιν τῶν πρὸς τῶν μορίων ἀπὸ τῶν ὁρμῶδων.

Διδόναι τὸ ἀπ' ἐρεβιθῶν λευκῶν ὕδαρ ἐψῶν πίνειν, *Lib. de in-* ἐν τῷ οἶνῳ διακεῖναι καὶ δίδοναι *ternis af-* τὴν κεφαλὴν αὐτῆς κα- *fectibus.* σαίνειν τῷ πετραργῶν. Cicerum alborum deco-

Cal. in  
exegesi  
vocosum.  
Dioscorid.  
cap. 149.

Etum potui dandum vino mistum nomine  
& caput tetragono purgandum.

Τίνες μὲν τῆς εὐεισκομένης καὶ τὸ σίμμι πλαξί, πίνες  
ὃ αὐτὸ τὸ σίμμι.

εἰ μὲν ἔν θέλεις καὶ κοιλίαν καθαίρειν, διπλάσιον ἀλῶν  
μίξαν & σίμμιως ὅσον χεῶσαι. Si ex aluo velis  
purgare, duplum salis misceto, & stibij quā-  
tum conuenit, pro pillula erui magnitudine  
diluta aqua δι' ὕδατος ὁροβιαῖα κατὰ πόπα δίδου.

*Fernelius in dialog. de abdit. rer. caus.*

Tu mihi refricare videris purioris philo-  
sophiæ memoriam propè inter-mortuam  
& vulgaris illius sophisticae (puta Paracelsiæ)  
cauillis obrutam. Etenim fusilis & metalli-  
cæ illius philosophiæ τῆς χημείας cum primis  
studiosus existerem, exercitatisimo admo-  
dum præceptore vsus, ex vnoquoque tum  
stripium tum viuientium genere substan-  
tias elicui planè varias, primum quidem a-  
quam, deinde oleum, non id quidem pingue  
ac sordidum quale pressu ex amygdalis &  
feminibus trahitur, sed artis præstantioris  
opus, quod tempore nec rancescat, nec fa-  
cilè corrumpatur.

Efficacior virtus est in oleo, multoque  
in rubente quam in albo; illud si quidem  
& odore & sapore totius substantiam ref-  
ferens, propria sedes dignoscitur insiti spi-  
ritus & caloris, in quibus proprietas tota  
subsistit foueturque. A fece terrena & ab  
aquofo humore quasi ab impurorum ele-

mentorum vinculis vindicatum oleum, purius quidem euadit perinde atque venarum sanguis ab alui fæce & ab vrinis expurgatus, & quæ sequuntur. Tandem sic concludit *Missa* igitur tam vehementi de pecunia opinione, fatis nobis sit è rebus singulis syncerum quippiam purissimumque elicere, in quo vis illa occultarum proprietatum insideat summa.

Syluius in *Mesuem*. Oleorum quartum genus à Sapien- tibus multis descriptum, hodie chymistica arte magis perficitur, vim quandam in concreto & composito occultum manifestante. Hæc nanque ex liquoribus gummis resinis, ex plantis pinguibus, ex plantarum & animalium partibus omnibus ipsum velut gluten terreæ substantiæ, humorem insitum pinguem imputribilem maximè, vi ignis secretum, nunc sursum attollit vel deorsum præcipitat, rem omnibus aliis planè diuinior, si *Vlstadio* in cælo Philosophorum & *Gebero* & veritati credimus. Quanquam hodie sunt idiotæ quidam, magnorum tamen medicorum nomine se venditantes, qui id ipsum ceu nugatorium calumnientur, vt alia propè omnia ipsis ignorata, solas, vt vocant receptas scribere, nulla tamen ratione scientibus.

*Iohannes Liebautius* quatuor libros fecit de *Medicinæ secretis* deque philoso-

phia chymica, in quibus agitur de essentiis oleis, salib. aquis; deque auro potabili Gallico idiomate. In præfatione multa de Chymia vtilitate recenset. In Capite de antimonio sic ille.

Stimmi recentioribus Chymistis & seplasiariis antimonium, nunc vulgo magna experientia celebrari atque miris laudibus extolli solet. Parantur autem ex eo tria remedium genera quibus vel intra corpus adhibitis, vel foris admotis miracula faciunt, oleum siue quinta essentia, pulvis & vitrum iis dictum.

*Julianus Palmarius lib. 3. de morbis contagiosis.*

Omnium remedium Elephanticorum vires superat catharticum nostrum metallicum acrem omnem ac ferinam humorum omnium qualitatem ac malignitatem mirè obtundens, ac nihilominus blandè adeo aluum soluens, ut pueris ac prægnantibus tutò dari possit. Constat ex hydrargyro & auro sic permistis atque immutatis longa maceratione ut vim catharticam assequantur. Vna autem & eadem opera & pituitam ac crassos omnes humores expurgat, & calidam & siccam viscerum constitutionem emendat. datur granorum sex pondere. Illic describuntur & catapotia ex hydrargyro quæ retorridæ bilis, & omnia



nium acrium ac malignorum humorum  
ferociam domant & compescunt, eosque  
sensim expurgant nullo ventriculi incom-  
modo.

*Iohannes Riolanus in Libauimania.*

Noua remedia noua præparatio Dogma- Pag. 103  
ticam illustrat. 86.

Præparationes quas schola non damnat Pag. 103  
in cælum tollis.

Pag. 103

Ad Arabum imitationem quotquot ex-  
cogitari vnquam poterunt noua remedia &  
nouæ præparationes nouæ formæ ad phar-  
macëuticam refferenda iterum atque ite-  
rum contendo, neque propterea aut illa re-  
iicio aut reiicienda esse existimo.

Vt constet deinceps te ad scholæ men- Pag. 203  
tem disputare, tibi ex officio incumbit con-  
firmare quartam sectam illam principiis,  
causis, signis, & remediis ab Hippocratica  
differentem. Non tantum Schola per suum  
Censorem semel atque iterum significauit  
se non promiscuè Alchymiam omnem ex-  
terminare, sed eam tantum quæ principiis  
falsis & ridiculis Hippocratis medicinam  
subuertit. Verum etiam suæ Censuræ hanc  
clausulam inseri voluit. Et similia multa.

In prælectionibus manuscriptis capite  
de Elephantiasi. Chymici curam affirmant  
per suum aurum potabile.

PRÆPARATRICIS CHIMIÆ,  
Necessitas iterum.

Scientiæ votū, inquit Hip. est imperfecta ad finem perducere, Inuenire ea quæ nondū inuenta sunt, modo inuentis adiuncta utilis necessitas. ἐμὴ γὰρ τὸ μὲν πὶ τῶν μὴ εὐελοκομένων ἐξευρίσκειν, ὅπ' ἔστι εὐρεθὲν κρέσσον ἢ ἀνέξευρέτον, ζυνέσιος δοκίει ἐπιθύμημα τὲ ἔργον ἔϊναι, ἃ τὰ τῆς ἡμέρας ἐς τέλος ἵδεραι ἔσονται αἰσάτως. At morbi quamplurimi pharmaceutica medicamenta i. vulgò præparata contempnunt. Dum onus detrahitur, naturæ proportio ad morbum, admodum consideranda. Alioquin longissimi affectus, qui naturæ infirmitatem sequuntur. Difficiles, qui causam contumacem, humorem refractarium habent. Necessaria sunt, quæ naturam instaurent ad pugnam, quæ humorem cicurent. Magna ergo necessitas inueniendorum. Inuentorum summa utilitas. τέχνη γὰρ αἰσθαμένη ἀξίῳ θεραπεύειν, σκοπούσα ὅπως μὴ πολλὴν μάλλον ἢ γνώμη, ἢ ῥαστώνην μάλλον ἢ εἰς θεραπεύει. Ars malum animaduertens, mederi magnoperè gestit, id vnum considerans, ne temeritate magis quàm consilio, & vt facilitate magis quàm violentia medeatur. Tuta scilicet, quæ consilio & ratione ducibus, inuenta proponuntur. Omnino utilis sine violentia facilitas. Nam dum ægri exosas portiones accipiunt, & aut purgationibus, aut alio modo pereunt, soli medico culpa imputatur. Quantò magis ergo siue

hemētia, si maligna, si deleteria medicamen-  
 ta sint, si ingrata, si exosa! οἱ νοσούντες τὰ μισητὰ  
 ποτήματα λαμβάνοντες ἢ φαρμακευόμενοι, ἢ θεραπεύ-  
 ομενοι ἀνιρέθησαν, πρὶν ὅτι ἰντρῶν τιμὴ αἰπάντες παροῖσαν.  
 Omnia ferè Hippocratis, deleteria erant.  
 Conuulsio ab elleboro lethalis, propterea  
 tale eius votum. Scilicet difficile ac ferè im-  
 possibile cōsiliū, sine violentia. Spes faci-  
 litatis temeraria. Ergo inueniendorum ne-  
 cessitas, scientiæ & artis voto respondens.  
 Imò & artificii gloriosa, sua fori honorifica  
 vtenti salutatis. Infamiæ metus, medico  
 φιλοτεχνῶν, ne ars honoratissima culpetur. Ne  
 natura inops videatur in sua παρονοῖα quæ  
 planè medica est. Natura exponit medico  
 sublunaria omnia. Scientia benè medendi  
 animum in format theorematis veris, cer-  
 tis, perpetuis. Sed quæ singularibus exem-  
 plis confirmentur. Exosæ potionēs gratæ  
 fiant, benignæ, salutarēs; vt temeritas cedat  
 cōsilio, vehementia, cacoethia in εὐφορίαν,  
 in facilitatem mutetur. Rerum magister v-  
 sus, quasi αἰδοόμενος posteriorum ætatem do-  
 cuit, maiorum calamitates in benignitatem  
 commutare; quasi πολλὰ ἐς γνῶμην, ὅλην ἐς ῥασιώ-  
 νην. Singula ferè Hippocratis cathartica de-  
 seruit, quia deleteria soloque nomine nunc  
 cognita. Elleborus ambigitur, peplum, sil-  
 phium; ignoratur cuminum Æthiopicum,  
 controuertitur cnestron, calamum odora-  
 tum aperuit Garcias ab horto. Spina Ægy-

ptia, hypophaes, acacia cneoron, granum  
 cnidium, nitrum rubrum Ægyptium vix  
 sciuntur. Quod vehemētiam attinet *δοσισ-  
 ται*, ferrei ventres vix vetatra, elateria, can-  
 tharides, peplia, ranunculos, tithymalos,  
 mandragoras sustinerent. Paucissimas Ga-  
 leni compositiones habent nostra antido-  
 taria. Itaut verè dicas totam pharmaciam  
 immutatam. Scilicet inuenta meliore fruge  
 glans abdicanda. Postremus dies, est magi-  
 ster prioris. Animorum postremi partus sa-  
 gaciores. Formæ metaphysicæ separabiles,  
 aliter se habent à physicis, ab inseparabili-  
 bus. Illæ agendo, senescendo, perficiuntur;  
 quia ab omni materia liberæ; Hæ vero ma-  
 teriæ conditionibus alligatæ, illius sequun-  
 tur mutationes. Cōsenescunt commorun-  
 tur, compatiuntur materiæ Agendo lassan-  
 tur, infirmantur. Ergo nouitas non reiiciet  
 inuenta vtilia, sed maiorem conciliabit au-  
 thoritatem. Deinde quid iam vetus quod  
 non fuerit nouum?

Horat.

*Quod si tam Græcis nouitas inuisa fuisset  
 Quam nobis, quid nunc esset vetus? aut quid  
 haberet.*

Terent.

*Quod legeret tereretq; viritum publicus vsus?  
 Nunquam quisquam tam benè subductæ ra-  
 tione ad vitam fuit.*

*Quin res atas vsus semper aliquid adportet  
 noui.*

*Aliquid maneat vt ea qua te scire credas  
 nescias*

*Et quæ tibi putaris prima in experiendo re-  
pudias.*

Non dubitarunt Arabes sua benigna Græcorum deleteriis substituere, anteferre; etiam Hippocratis & Galeni. Quin in doctrina, in præceptis, innouarunt multa, immutarunt non pauca; quæ & posterior ætas castigauit. In hos & illos plurima notauit animaduersione dignissima. Scilicet natura sacra sua non simul & semel tradit; grauida rerum immensitate, perpetuo parturit aliquid nouum. Verè filius Rhœis multas artes addisci posse cùm tamen adhuc lateant, quia ignorantur causæ. Non est ergo quod nouitas à Chymix cultu nos deterreat. Non est abdicanda etiam si non viderint priores. Philosopho liberum est attentare supra maiores. Maximè verò medico. Sacramentum habet non cùm maioribus, sed cum vera vtilitate. Vnus medicus ridet αὐτὸς ἑφ'α Pythagoricum. Maiores non Domini sed Duces nobis fuerunt. Supra cætera artis complementum commendarunt. Mouemur quidem summorum viro- rum authoritatè, sed multò magis vtili ve- ritate.

Vtile id est, cuius accessione multa nobis veniunt commoda. Necessarium, quod ea præstat aliis impossibilia. Vt differt plurimum, benè esse, ab esse simpliciter, sic benè mederi à mederi simpliciter. Fuit Galeni

votum nosse separationem substantiarum  
 aceti vt lactis. *εἰ πῶς μηχανὴν εὑρεῖν ἢ δυνάμιν,*  
*ὥσπερ ἐν γάλακτι τῆς ἐναπτόων μορίων τῆς διακρίσεως,*  
*ἔγω καὶ ταῦτα* Notam dixit quibusdam ho-  
 minibus *πολλῶν τοῖς ἀνθρώποις εὑρημένων τρόπων*  
*εἰς τὴν διάκρισιν τῶν πυρωδῶν μορίων ἀπὸ τῶν ὀρροδῶν.*  
 Quidni optabilis cæterorum medicamen-  
 torum? Medici toti fuerunt, in corrigendis  
 medicamentis; ne bonum malis obscure-  
 tur, ne commodum damnis vincatur. Vbi li-  
 cuit gratiam & facilitatem conciliarunt  
 dulcoratione, clarificatione. Optimus enim  
 qui misceat vtile dulci. Curandum tutò, ci-  
 tò, sed si fieri possit & iucundè. Curationis  
 labor, dolor, alter languenti morbus.

At Chymia ex Galeni voto contrarias  
 medicamentorum substantias tollit. Vtiles  
 liberat facultates à noxiis. Gratiam & iucū-  
 ditatem conciliat sublato ingrato. Propo-  
 natur vnum pro multis exemplum in su-  
 blimato, hoc venenum est præsentissimum.  
 Hoc ipsum possum adeo blandum, adeo  
 gratum reddere, vt innoxie deuoretur, etiam  
 vsque ad drachmam. Fortasse autem talia,  
 dicent momi, sunt sine viribus, nec iuuabūt  
 nec nocebunt. Labor erit in damno, cres-  
 cet mortalis egestas. At ego assero, letheas  
 vires ita salutaribus permutatas, vt ex ve-  
 neno fiat venenorum & venenatorū mor-  
 borum alexiterium. Contagiosi morbi, ve-  
 nenati creduntur omnibus. De lue vene-

rea, de peste, nulla dubitatio. At hoc medicamento certam polliceor luis venereæ curationem. Luis pestiferæ magnū auxilium. Ulcerum omnium malignorum tutissimum præsidium. Quidni ergo hoc medicamentum adeo vtile, adeo necessarium recipimus? Quidni laudabimus artem illam, quæ sit tantorum bonorum causa? Quod de sublimato dictum est, verum in cæteris demonstrabitur, venenum permutando. Atque hæc de simplicium impermistorum correctione. Iam de compositis. Multa enim compositionis necessitatem conuincunt. Cõposita non minùs quam simplicia Chymicæ vtilem necessitatem demonstrabunt.

Componuntur autem medicamenta, aut vt ex multis vna exurgat facultas, singularem vires complexa, vt multis visum est, aut vt mistæ sint singularem potestates cõtra mistos affectus. Maximè vero vt malignæ emendentur beneficis, immoderate temperentur moderatis, calidæ frigidis. Integra non sat citò, non sat benè miscentur, vt pulueres, conseruæ, & similia: multoque minùs si pulueres sint mineralium, vt gemmarum, vnionum, auri, argenti, terræ lemniciæ, armeniciæ, vt in opiatis, in pillulis, in pulueribus, in tabellis, conditis, &c. Talia non sunt mistilia, non facile diuisibilia, vix alterabilia, quæ & nostræ naturæ resistūt. At chymicè elaborata, sunt facile diuisibilia, magis actiua, citiùs & perfectiùs miscentur. Se-

se mutuo subeunt facilius, contactus minimorum est facilis. Mistio, correctio, celerior, certior. Integra vix miscentur, vix coeunt etiam longo tempore. Extractum esnæ, extracto rhabarbari miscetur facilius, quam pulvis pulveri. Aqua aquæ mista, decoctum decocto, infusum infuso, vix ac ne vix quidem disiunguntur. Cita est & prompta mistilium chymicorum unio, ob presentes vires, ob contactum mutuum & per minima. Grata exiguitas dosi, & saporis carentia; quod desideratur in decoctis & infusis facile mistilibus. Ergo magna chymicorum medicamentorum utilitas. Quæ non tantum in diætâ sunt facilioris restitutionis & nutritionis, sed in virium lapsu tanquam diuina, in Chirurgia admiranda, in pharmacia facilia, præclara. Ad Diætâ pertinent extracta carniû, herbarum, fructuum, aquæ caponum, perdicum, pullastorum distillata restauratiua, liquores cardiaci, viuaces, spirituosî, essentiales, bezoardici, quibus cõfirmetur illud Hippocratis, in cibo φαρμακίη δρῖστον. Concludam hoc Hippocratis oraculo. Petulantis naturæ & ignorantie iudicium est, aliorum peritorum inuenta calumniari & ambitiosè inuideri. Solis ignaris & ambitiosè inuidis conuenit aliorum opera reprehendere calumniari, & propter imperitiâ nihil melius præstare pollic. τὸ δὲ λόγον ἔκδοσιν τέχνη τὰ τοῖς ἀλλοῖς εὐρημέ-



τα αἰσχύοντι παρορμιάσαι, ἐπιπορθοῦντα, μὲν μηδὲν,  
 διαβδύοντα ὃ τὰ τῶν εἰδόντων πρὸς τῆς μὴ εἰδόντας ἐ-  
 ξευρήματα, ἔκ ἐπιδοκᾷ ξυνέστος ἐπιθύμημά τε ὠρ-  
 ρον (ἔλ), οὐκ ἀκαταγέλῃ μαῖνον φύσις, ἢ ἀτεχνίη.  
 μύθοισι γὰρ τοῖσι ἀτέχνιοις ἡ ἐργασία αὐτῇ ἀρμόζει, φι-  
 λοτιμουμένων μὲν, ἐδάμα ὃ δυνάμενων κακίης ὑποϋρ-  
 χεῖν, εἰς τὸ τὰ τῶν πέλας ἔργα ἢ ὀρθὰ εἶναι διαβδύειν,  
 ἢ ἐκ ὀρθὰ μωμιάσαι. περὶ τεχνίης.

## QVINTA ESENTIA.

Mundus superior regit inferiorem, motu  
 influxu, lumine. Prima est causa, vnde om-  
 nibus motus initium, vnde omnis mutatio.  
 Ex actione & passione colligitur substan-  
 tiarum consensus. Symbolum contrariorū  
 est causa congressus. Sublunaria mutationes  
 experiuntur vniuersales, 'à causa generali,  
 particulares à singularibus.

Anni pantes Ver, Æstas, Autumnus, Hye-  
 ms generales sunt. Harum varietates, causæ  
 inconstantiam supponunt, aut quid singu-  
 lare, & a communi diuersum. Luna non so-  
 lum in mense, quod sol in anno facit, sed  
 præterea manifestum ostendit imperium,  
 in mare & humida. Medulla cerebri Lunæ  
 facies sequitur. Formica hisdem laborat &  
 feriat. Soricum fibræ Lunæ ætatem certo  
 demonstrât Selenites eiusdem φάσεις osten-  
 dit. Magnæ amicū polum aspicit. Flores  
 omnes venientem Solem explicati venerā-

tur, abeuntem sequuntur complicati. Planetæ sunt mundi partes principes. Horum coitionibus, aspectibus, Astrologi non solū mutationes temporum definiunt, sed vates diuini, morbos hominibus prænunciāt; ne quid de vita & moribus adiiciam. Vnde coniicitur causa particularis á generali diuersa. Nam cur hoc potius quam illud: his potius quam illis sideribus, siderum aspectibus, influxibus? Constituendum ergo corpus illud Aristotelis, diuinius elementis. quod vnde erit, nisi á cælis? Contagione tamen, quia quodammodo factum est elementare, non omnino idem est cum cælo, sed analogum & respondens. Est in elementis modo elementari; vt elementa in cælis modo cælesti, id est præstanti & diuino. *Sic igneus est ollis vigoret cælestis origo. Sic esse apibus partem diuinæ mentis & haustus æthereos dixêre.* Silicet non solis elementis constant mista, sed est cæleste seminum illis inclusum. Non est enim crassum genituræ corpus, verum semen, sed spiritus gignitiuus, qui origine cælestis est, contagione elementaris. Ignis est lucens, non vrens Platoni; oculus est igneæ naturæ. Intellectus est το φῶς. Multi contendunt lumen esse corpus substantiale, sed cæleste, spirituosum quidem, si cum elementis comparatur. Sic cælorum, astrorum, angelorū substantia, ex luce est. Sic non erit qualitas,

non species, nisi relatè.

Ergo superius & inferius agunt, quia sese tangunt. Actio est, etiam physica, corporis, non virtutis solum. Materia mistorum ab elementis est. i. meteo. forma à cælis. Sit ergo hoc corpus, hæc essentia, pro forma cōpositi; quam à cælis oriūdam pluribus demonstravit Fernellius. Assentitur Aristoteles .de generat. animalū c. 2. Mas est qui gignit in alio, fœmina in se ipsa. In vniuerso terra est mater, Cælū & cœlestia sidera pater, genitor. διὸ ἐν τῷ ὅλῳ τὴν γῆς φύσιν, ὡς θεῖον καὶ μητέρα νομίζουσιν, ἔχον ὃ ἐστὶν ἡλίον καὶ εἰ πῶν διὰ τῶν δεικτῶν, ὡς γονεῶν καὶ πατέρας ποιεῖται πρὸς αὐτοὺς. vnde concludit l. 2. c. 3. solis calor & animalium principium habet vitale: coniūgit. solem cum animalibus, vt ostendat huic & illis eundem esse specie calorem. ἢ ὅτι τὸ ἥλιον θερμότης ἐστὶν ἡ τῶν ζώων ὁμοῦς ἔχων καὶ τὸ τοῦ ζώου ἀρχὴν. Et paulo antè: Omnis animæ siue virtus siue potentia corpus aliud participare videtur idque magis diuinum quàm elementa. Corpus nominat vt intelligatur nō esse puram qualitatem, sed substantiam calori substratam. πάσης γὰρ ἐν φύσιν δυνάμιν ἐτέρῃ σώματος ὅμοια κεκοινωνικέναι, καὶ θεοτέρον τῶν καλλημένων στοιχείων. Et lib. 3. c. vlt. Generantur in terra, humorēque animalia & plantæ, quoniam humor in terra, spiritus in humore calor animalis in vniuerso est. Itaut quodammodo animarum plena sint omnia.

nia. Sic calorem illum animæ assimilat quæ substantia est seipsam mouens. Quod quis audiet de calore igneo elementari? γίνεται ὃ ἐν γῇ ἐν ὑδατὶ τὰ ζῶα ἐκ τῶν στοιχείων διὰ τὸ ἐν γῇ μὲν ὑπάρχειν ὑγρόν, ἐν δὲ ὑδατὶ πνέον, εὔμας δὲ τῷ παντὶ θερμότητα ψυχρὴν, ὡς πρόπον πινὰ πῦρ ψυχρῆς ἔστι πλη-  
ρη.

Preterea si in alimentis sola insunt elementa, quomodo assimilantur viuenti per nutritionem quæ non viuunt? Nam quid est principium vitale, quod etiam in excrementis animaliam continetur? Eadem enim manebit dubitatio si prorsus elementare. Non est enim decedentis animæ ἀπορροία. Non portio, nō fragmentum. Qua ergo conditione poterit esse causa animationis, vitalitatis? Ergo necessitas rationis euincit corpus illud Aristotelis diuinius elementis. Quod cœlitus quotidie allabi, quæ necessitas, cū primæua mistio quantum fatis habuerit? Inest rerum seminibus, inquit Aristoteles, & per semina propagatur in prolem; restituitur per nutritionem, & cōtinua cœli tanquam similis aspiratio ne fouetur sustinetur.

Nolim tamē hanc essentiam nudā separari à domestico subiecto, in quo perpetuo hospitatur. hoc fieri nec debet nec potest Elementorū occasione subiicitur sensibus, separata vanesceret. Ne quispiā nobis imponat tale portentum, quod video a plæ-

risque celebrari, parum philosophicè sentientibus.

*MEDICAMENTI VNIVERSALIS Interpretatio.*

Quaquam de hoc medicamento nihil adnos. quia nō docuimus quid, quale, quomodo sit. rationes authorum proposuimus quæ Libauianas destruunt. Eo etiam admissio singularia contempni non diximus. Imò in primo capite ob raritatem & difficultatem negleximus. quia in medicina, si alicubi, docendum, medendum, ex certis, perspicuis, facilibus. Quia tamen hanc assertionē nobis propriam volunt calumniatores, placet Authorum placita declarare his paucis. Vniuersale medicamentum ad eorum mentem interpretari.

Dum vniuersale celebrant authores, nequaquam reiiciunt particularia. Non hoc sensu vniuersale dicitur quod sufficiat solum. Nunquam vniuersale fuit sine particularibus. Ne cælum ipsum: Sidera, astra, habet. quibus singulares vires deffiniantur. Mundi spiritus Stoicorum, Anima mundi, natura vniuersalis, materiæ cæcellis cœrcita sit particularis. cū indiuiduis agit hoc vel illo modo. Causæ vniuersales nihil possunt sine particularibus. Diuersa quidem & contraria possunt, sed non per se primò.

Sol ceram liquat, lutum indurat pro materiæ aptitudine. Vniuersale bilem purgat cum rheo sociatum, pituitam cum agarico, Atrum succum cum senna. Mercurium dixerunt authores, quod non aliter ac mercurius planeta, vires eorum assumat quibus sociatur. Est ἀδιάφορον per se & ἀόριστον. Voluit Montuus aquam esse materiam infusionum & coctionum omnium. Resistit Fernelius, Quod sæpè necessarius sit liquor qui medicamento viscera subeat, vt eliciantur vires. Chimici hoc voluerunt quo non solum singularium vires aperiantur, sed quo etiã volidiores fiant & innoxia. Et quo natura nostra sæpè infirmior & morborum contumaciã cacoethiã labascens, restauretur. Sic an animi defectibus vino, cardiacis, aquis vitæ, spirituosus reficiuntur promptè spiritus.

An enim morbi omnes curabiles hoc medicamento? An posset & chirurgica? Non ita iudicandum. Hydrops à schyrrō iecoris, in lapidem indurato, est immedicabilis tota natura. Intermoritur otio altitrix. Perit feriata nihil agendo. Causæ efficientes agendo viuunt, perficiuntur, ἐντελεχοῦται. Alij sunt affectus, alijs de causis incurabiles. Quod ergo dicunt, omnem morbum hoc sanari, volunt audiri de sanabilibus. Ad dunt enim breuiori tempore curam perfici. Ratio est, quod natura egri reddatur

vegetior, fortior.. Sit veluti in iuuentute,  
 unde tot fabulosa de reditu ad iuuentu-  
 tem. Quin & natura medicamenti sui  
 iuris facta, simili aucta, plura possit & præ-  
 stantiora. Sic fennæ vires, breuius eli-  
 ciuntur vino, hydromelite, & simili-  
 bus. Intenduntur eodem. Morbi sunt  
 singulares. Demoliuntur contrarietate.  
 Sed quæ limitetur, dirigatur, naturâ æ-  
 gri. Sæpè est adeo impotens vt nihil  
 possit. Hoc, simili, amico, grato, ro-  
 boratur; fortior redditur; vt postea leui  
 brachio morbos finiat, sed adiuta medi-  
 camentis. Tot sunt medicamentorum  
 ideæ quot morborum. Quomodo vnum  
 simplex tam multa posset? Non voluerunt  
 hi Philosophi quod Philosophiæ aduersa-  
 tur. Ita iudicarunt de vniuersali ex veris  
 medicinæ legibus. A quibus recedere ne-  
 fas. Sic Raymundus, Rupecissa, Vlstadius,  
 & alij, quintam essentiam docent, singu-  
 larium omnium facultatibus grauidam,  
 vt sit catholicon vniuersale medicamen-  
 tum.

*LEPRÆ ELEPHAN-  
 tia natura.*

Elephantia omnis à mortis causa ducit o-  
 riginē. Mors est humidi primigenij absum-  
 ptio, caloris natiui extinctio, vita enim in

humore calido consistit, humore, oleoso, radicali, substantifico; calore cælesti, blādo, æquali, continuo. Elephantia verò humidum primigenium depopulatur, atrabilariū, acre, efferum, reponitur: calor igneus, exurens, inæqualis succedit nativo, qui in dicto humore exardescens torret, assat, liquat partium substantiam. συφαν ἄνδρος visitur, carne consumpta, pelle laxa, ossibus cicumducta. Tandem humor putrescit, tumores exulcerantur, canceri aperiuntur, copiosam profundunt saniem, fœtidam tanta perniciē, vt vicina depascentur, membra decidant. Quicquid est in malo obfirmato cacoethes est malignum rebelle. mitiora remedia continet, fortioribus exasperatur. quot tubera integra, tot κρίπτοι καρκίνοι, quot ulcerata, tot aperti, eoque funestiores quod labes sit vniuersalis, in ipsa viscera crudelius sæuiens. Ita ut vnde salutis spes, inde damnum augeatur. Prima enim labes in iecore & liene residet, inde serpit humoris cacoethia, tumores in visceribus excitat & ulcera, qualia postea se produnt in cute. Tum languet alitrix, nutritio frustratur, nulla est assimilatio, appetentia prosternitur. Sæuitia & proteruitas intelligitur ex magnitudine mali, carnes, vasa, solida, deualtantis. ἐστὶ γὰρ καὶ ἡ λέπρα inquit Gal. καὶ ἡ ψώρα μελαγχολικὰ πάθη μόνου τ' δέρματος, ὡς εἶχε καὶ ταῖς φλεβίαις καὶ τῇ σαρκὶ γίνονται. καρκίνος ὀνομάζεται. Ergo in elephantia non solū carnes,



nes, vasa, sed & ipsa viscera cum laborent, cancer illa erit vniuersalis, & tot erunt particulares, quot tubera, vlcera: non quidē attingenda, quandiu maligna labes, quandiu virus elephanticum adest. Est enim inquit Heurnius duplex in cācro venenum, vnum putrefactiuum, alterum corrosiuum. Si admoneas calida & humida ad pepasum, inde in altam putredinem degenerabunt, vicina putrilagine contaminabunt. Quod si caustica adhibeas, surget venenum corrosiuum, ac vicina cuncta exuret. Quare non attingendi tumores siue canceri leproforum. Galenus, equidem scio omnes qui curam tentarunt cancos irritasse & homines interemisse. Vlcersa vstione aut sectione facta non potuerunt ad cicatricem perducere. Auicennas, cum cancer qui est lepra vnius membri sit de non sanabilibus, quid dicemus de lepra, quæ est cancer totius corporis? Auenzoar. Lepra est cancer pessimus ortus in corporibus hominum. Aetius, Elephantia vbi iam superauerit incurabilis est, atque cancer est totum occupans corpus.

Quibus maiorum decretis constat elephanticos obfirmatos non esse attingendos, ne citius intereant exasperato malo. Et cōtra qui attinguntur non sunt elephantici, si modò melius habeant curati. argumentum enim est, superatum esse venenum illud duplex. Morbum verò confirmatum volunt,

inquit Hollerius, qui annū superauit. Quāto magis ergo qui decennium?

At corpus leprolæ in libro nostro commemoratæ, tuberibus inæquale erat, vlceribus multis plenum. Assumptis remediis interna sese exonerant in cutem commune emissarium, quæ papulis variis oneratur, tubera augentur, inflammantur, vt est in historia. viscera liberantur, alitrix restituitur, appetens valet, coctrix viget, assimilatrix non otatur, vlcera siccantur oesophagi, tracheæ arteriæ; vnde deglutitio facilis. His confusus tubera audacter attingo cathæreticis, causticis: primum in manu læua, dein in facie, genis fronte, superciliis. Nihil obseruo caecoethes. leui negotio cicatricem ducunt, etiam cum improba viuendi lege. Cogito de absumendis reliquiis. Ex internallis absumo vt prius. Hic labor immensus pro numerosa tuborum sobole. Breui non potest restitui tota cutis imbecillima. Menses multi imò anni desiderantur. Nam si vlcus in tibia paulo malignius, & medicorum & chirurgorū opprobrium est; Si in multis annis immedicabile est, quid erit de numerosis tuberibus vlceribus in natura elephantica? Sed audio grunnientes aduersarios. Obiiciunt me dixisse perſanatam leproſam, quam tamen aſſero magis deformem. Attendite cenſores paucis ſatisfaciam. Dico elephantiam græcorum perſanatā eſſe, morbum totius cor-

poris, cancrum vniuersalem, & tam multos  
 particulares integros & vlceratos: tuto e-  
 nim tumores integri aperiuntur, aperti ci-  
 catrice clauduntur. Ergo duplex illud vene-  
 num sublatum est. Ergo cancer perfanatus,  
 sublata cacoethia, elephantia aut cancri ve-  
 ra essentia, qua posita ponitur, saltem qua  
 sublata tollitur morbus. Hic enim maximè  
 negatio est causa negationis. Perfanata in-  
 quam elephantia, sed mutatione in lepram  
 græcorum. Morbus omnium maximus mu-  
 tatus est in minimum. Morbus vniuersalis  
 in particularē in cutaneum. Principes par-  
 tes onus deposuerunt in cutim ignobilem.  
 Morbi enim curantur aut λυσῖν aut metastas-  
 si. Humor crassus contumax vix resolvable,  
 non potest euaporari per cutem inualidam.  
 illic subsistit topicis superandus. Nec desi-  
 nit verum esse affirmatum de curatione ele-  
 phantia. Cum febrium materia, imperfecta  
 crisi, deponitur in brachium, in tibiā, ab-  
 scessum paritura, febris cessat; dicitur perfa-  
 nata, etiam manente abscessu particulari.  
 Lepra græcorum nihil habet cum elephan-  
 tia commune, differunt tota natura. Hip-  
 pocrati λέπρα, ὁ κνησμός, καὶ ψώρα καὶ λεχίῃνες, ὁ ἀλ-  
 φὸς ὑπὸ φλέγματος γίνονται. βεῖ δὲ τὰ τοιαῦτα αἰσ-  
 χρὸς μάλιν ἢ νοσήματα. Lepra, pruritus, sca-  
 bies impetig, vitiligo, pituita, gignuntur,  
 potiusque corporis turpe quid sunt quàm  
 morbi. Ergo elephantia in lepram mutatio

perfecta est eius curatio. Urgebunt adhuc imperiti, tam multa tubera vix resolubilia restari superstitem causam, ab elephantica haud diuersam. Causa & effectus sunt relata. Effectus causæ presentiam conuincit. At eadem manent quæ inerant ante tubercula. Ergo nulla mutatio, nulla correctio, curatio nulla. Respondeo inquam, summū esse discrimen: ante cancri erant, nunc tumores sunt simplices: ante sine periculo non ausus fuisses attingere, nunc tuto aperiuntur, aperti facilè clauduntur. Præterea quod præsens facit absens tollit. At præente elephantico veneno, omnes totius corporis actiones deprauatæ ferèque abolitæ sunt. Morbus est affectus actionem lædens eius in quo est. ergo cum morbus sit in toto corpore, totius corporis actiones oblætæ ciunt & vitiatæ. Morbus omnis in parte consistit, ergo morbus vniuersalis in vniuerso corpore. Morbi essentiam sequitur actionum lesio, tãquam umbra corpus. Symptoma est, morbi *per se* *μα*. Ergo si quædam actiones benè habent, sanæ sunt harum actionum partes, causæ efficientes. At hæmatosis proba est. vitæ, animæ, actiones longè meliùs sunt. Ergo partes principes valent. Facultates corpus gubernantes, mutuas sibi tradunt operas: mutuis sibi stant auxiliis. Sed & trahuntur in communem ruinæ societatem, vni læsæ aliæ cōdolent, compatiuntur. Non valet, non dolet

vna, sine aliarum suffragiis. Vita datur pro  
 sale, imò pro sole. Eius influxu, irradiatione,  
 singulæ recreantur. Ergo in laudabili san-  
 guine vitalis valet. Quidni vero si cum Ari-  
 stotele esset sanguificij causa? Idem de ani-  
 mali de cerebro. Quidni ergo totum vale-  
 bit? saltem non poterit tanta pernicies, tan-  
 ta labes qualis elephantice dissimulari, tegi.  
 Causæ communes officium toti commune  
 elargiuntur bonum aut malum. vni quidem  
 plus alteri minus, sed iustè sed geometricè.  
 Ergo ex sanis visceribus integra sunt omnia.  
 Ergo ex actionibus principibus valent no-  
 bilia viscera. Maximè in statu sano: in mor-  
 bo vero non ita necesse est. Ad sanitatem,  
 omnium integritas necessaria; ad morbum  
 vnius læsio satis. At in morbo catholico, v-  
 niuersali, vniuersæ partes laborant, vniuer-  
 sæ actiones culpantur. Alioquin non erit  
 morbus generalis, alioquin non erit elephā-  
 tia. Sed in hac muliere tam multa tubera  
 tam multarum partium, sunt *εὐνοῖα*. Ergo ca-  
 coethia ab elephantia inseparabilis, non erit  
 in illis partibus. Ergo non erit cancer totius  
 corporis, non morbus vniuersalis actiones  
 omnes lædens.

Non est hæc curandi ratio sine exemplis,  
 hæc in lepram mutatio. Galenus summus  
 medendi magister id præstitit. Quinque vi-  
 dit persanatos. Duo sunt affines ex elephan-  
 tice facti leprosi, lepram postea aliis cura-

uit medicamentis. Qui facti sunt leprosi confirmati erant, materia crassior, contumax, vix resolubilis, nō euaporabilis substitit in cute crassa, imbecilla. In aliis vero quia morbus erat in principio, humor non ita crassus, sed euaporabilis per cutem robustam exhalauit illi nō sunt facti leprosi. Sed placet ipsissima Galeni verba subiicere coronidis loco.

Ἐτέρον δὲ ἐπὶ αὐτοῖς στίπον ἐξ ἡμετέρας μνημόσεως. ἐπεὶ δὲ ἡ γὰρ τις νοσῶν τὸ το νόσημα φιλοσοφώτερος ἢ καὶ πλεονεξίας, ἐδουχεραίνει τε δεινάς, καὶ τεθνᾶναι βέλπον ἢ ζῆν ἐφασκιν (1). Διακριμένω ἕτως ἀθλίως ἐδήλωσα τὰς περιγεγραμμένας διὰ περὶ τῶν αὐτῶν. ὁ δὲ αὐτὸς τὸ γὰρ ὡς ἔκαστος οἰωνῶν, ἐχρήσατο τε φιλοῦ θαυμαστῶν καθρητοῦν τὸ μάθημα. καὶ δὲ ἐπὶ ὀρνισιν ἀμὲν ἐκείνων, περιβραίων τε μιμήσασθαι τὰ διὰ τῆς πειρᾶς ἐγνωσμένα, καὶ πίνον οἵνοι ἕτω φαρμαχδεύτα, λεωφόρος ἐγένετο, χρόνῳ δὲ ἕτερον ἰασάμεθα, καὶ πλεονεξίας αὐτῶν τοῖς σωθῆσι φαρμάκοις. Atque vt intelligas hunc philosophum fuisse elephanticum confirmatum, curatum mutatione elephantiae in lepram, alium subiicit qui ἐν ἀρχῇ μὲν ὡς τὸ πάθος ἐκείνῳ. Erat in principio illius morbi, propterea curatus est non mutatione in lepram, sed euaporante per cutem affectu. Hic scilicet materia erat tenuis, resolubilis, euaporabilis; cutis nondum addensata, sed satis patens ad iuuandam resolutionem. Tertium subiicit siue quartum philosopho si-

milem , id est confirmatum elephantiscum.

Ἄλλος δὲ τις ἀνὴρ πλείστος ἔχ' ἡμεδαπὸς ἔτος γε, ἀμ' ἐκ μέσης θράκης ἦκει, ὀνείρατος πορτρὲς ἰαντος αὐτὸν εἰς τὸ πέραμον, εἴτα τῷ θεῷ πορταζάντος ὄναρ αὐτῷ πίνειν τὸ διὰ τοῦ ἐχιδνῶν φαρμάκου καθ' ἐκάστῃ ἡμέρᾳ, ὅτε χρεῖν ἔξωθεν τὸ σῶμα, μετέπεσον τὸ πάθος ἔμετὰ πολλὰς ἡμέρας εἰς λέπραν. ἔδερα πύθη τὲ πάλιν. οἷς ὁ θεὸς ἐμὲ ευεν φανομάκοις ὅτε τὸ νόσημα Sic hi duo facti leprosi sunt & lepra postea aliis curata est remediis. Quod nos in ista muliere tentamus & speramus consequi, propter rationes commemoratas.

NON ESSE VENENA MINERALIA OMNIA, UT NEC VEGETANTIA NEC  
animantia salutaria  
omnia.

Aurum, argentum, ferrum, chalibis, perlae, gemmae, crystallus, corallus, terra lemnia, armenia, sal, bitumen, succinum, ambra grisea, haematites & alia innumera, non possunt inter venena numerari. Antidoti, alexipharmaca, cardiaca praesidia his constant. Dantur aduersus venena, ut crystallus contra arsenicum. Dantur aduersus pestem, ut confectio de hyacuiho. tot pulueres cardiaci his constant, & tamen haec omnia mineralia sunt. Si venena creduntur, quod non vixerint, quod tantum distent a nostra

natura quantum viuens à non viuente, cur  
medendi magistri his vfi sunt? Sed cur po-  
tius qui illis vtuntur momento non pereūt,  
fi venena sunt? Aduersarij tales vrbanitatis  
& doctrinæ exuerunt, ne hoc minerali con-  
ficiantur. Aquæ minerales tam multæ, non-  
ne cæcitatem mentis docent aduersario-  
rum, quum illos ipsos à morbis magnis li-  
berant? An Galenus in ea fuit sententia, qui  
tantas aquarum vires prædicauit. Qui natu-  
ralium exemplo artificiales composuit ex  
hisdem mineralibus? Cum itaque non sint  
mineralia venena omnia, addere placet  
chymico artificio perfectiùs elaborari,  
quòd ignis gehennas tollerent fortiùs. In-  
tegra quidem & vulgo parata, sunt sine vi-  
ribus, quod facultates sint in densam mate-  
riam demersæ, nec ita facilè euocentur. Quî  
ergo venena erunt, si inefficacia? sed quî ad-  
uersarij hæc venena in crumenis in arculis  
recondunt; An ne alios inficiant? non cre-  
dam: nihil enim sibi metuunt dum auro &  
argento venenatis persoluuntur.

### *ANTIMONIUM.*

Iulianus Palmarius Patruus noster libro  
de peste, vitrum antimonij reiicit multis ra-  
tionibus. Mathiolus tamen commendat  
nulla ductus ratione, sed sola experientia.  
Eadem Launeus contra Greuinum, vt & a-  
lij



lij quamplurimi : quinetiam Patruus in tra-  
 ctatu de purgandi legibus vniuersalibus  
 nondum typis excusso , multa refert non  
 contra pestem , sed contra epilepsiam, apo-  
 plectiam, paraly sim & similes affectus, à peri-  
 to præsertim medico obseruatis cautioni-  
 bus & vomendi legibus. Quæ omnia de vi-  
 tro dicuntur, de antimonio hoc solummo-  
 do parato, id est imperfecto , quo vapor  
 malignus euocatur non tollitur. At quis  
 velit hac ratione reicere reliqua huius ar-  
 tificia, quibus non contemnendas ostendit  
 facultates. Sanè vt argentum viuum vulga-  
 ri sublimatione paratum tanquam vene-  
 num reicitur , sic & aliis modis vtile fa-  
 ctum admittitur. Catapota Barberoussæ  
 illud admittunt. Patruus vtiliter dedit ex  
 ore, vt est in tractatu de elephantia. Chy-  
 rurgi singulis diebus litus specie eodem v-  
 tuntur in venericis, quod de sublimato  
 nullus ausit. Alij infiniti viuum dederunt  
 nullo incommodo iusta dosi. Item de stibio  
 quod & Dioscorides dedit cum elaterio,  
 nec est locus obiectioni aduersariorum, pro  
 σιμητι σίμμι repositum. addit enim Dioscori-  
 des infernæ vacuationis causâ cum sale. E-  
 xemplar est in bibliotheca regia manuscrip-  
 tum quod σίμμι non σιμητι habet. Hippo-  
 crates dedit lib. de internis affectionibus δ-  
 δῶναι τὸ ἀπὸ ἐρεβίνθων λευκῶν ὕδωρ ἐψὼν πινεῖν, καὶ ἐν  
 τῷ οἴνῳ διακελαιῖν @ διδῶναι @ πλω' κεφαλήν αὐτῆς κα-

δαίρειν τῷ ἱπποκράτει. τίνες, inquit Galenus, μὴ  
 ἢ ἐυελασκομέναις καὶ τὸ σίμμι πλεονάζει, τίνες δὲ αὐτὸ τὸ  
 σίμμι. Et Censor noster obiectione 37. per  
 magnesiā voluit antimonium, quo vtitur  
 & Hippo. eodem lib. Fœsius in œconomia  
 cum Galeno ad ἱπποκράτη Hipp. interpreta-  
 tur σίμμι stibium antimonium.

---

## FVLMINIS BRVTIRE- SOLVTIO IN SVA PRIN- cipia, vt vires cognos- cantur.

**N**omen fulminis appositum. Perterruit omnes  
 fragore tanto, Latè vagatum est, ad longinqua  
 vibratum. Bruti, ventanej epitheton placet, quia  
 irritum licet irritatum. Meteoron fulmen his con-  
 stat quibus armariū. Nō est dissimile quod terimus.  
 Solo differt effectu, non affectu. Vires nullæ sunt  
 Causam accipe, Lector. Partes essentielles & inte-  
 grantes conspicio. Constat sale petraeo duplici, nitro  
 et communj, vtroque vnus aqua vix defecato.  
 cōstat & sulphure, & carbone. Hæc cyclopes cœsoriij  
 Ioui inermi parant, miscent, componnu; Ignis ac-  
 cenditur fatuus. Grando de fluit spiritu procellarum  
 tanquam vento huc illuc dispersa. Nix & glacies  
 adsunt & ea quæ faciunt verbū eius, sed robur detra-  
 hunt. Confessus est Talaris in quo omnium iniquissi-  
 mus primas tenuit, maculosi senes, nudi iuuenes, alij

non tam ararij quam arati. Cyclopium vnus nihil,  
nisi per antiphrasim, cōtra nominis ethymon. Docuit  
Petræos sales, vtinam decrepitatos! Alius Poetaſter  
furijs inſenſus, inſerenus & vāideros sulphur ſcētens,  
nō ſcētans ſed ruſū halitu graui ſuggerit. Tertius ad  
demonium denigratus, Censura alia excommuni-  
catus, totum ſe dedit pro ſaliciſ carbone, ventofus  
ſatuum crepitum edidit. Omnibus ſic conſuſis,  
aſpirat ſuplicator grandinans, lambit, lingit, non ſine  
ſudore ἐλίνυειν neſciens. Grando enim eſt collegis  
ominofa. Ignis eſt, nec lucens, nec vrens. Efflat cali-  
dum & frigidum, λίθον, non pillulam in pera vri-  
naria gerit, contra Aſculapij ſponſionem. Interim  
vix auditur caput mortuum, voce demiffa, libri titu-  
tulo attonitum, ne recoquat parum congrua ſui De-  
canatus αὐτὸ γεῖνα. Tot & tales κλοσυροὶ ridicu-  
lum peperere muſculum. Et audent omnium conſen-  
ſum adſtruere. cū tamē decē ſolum adſuerint. Quo-  
rū tres aliter opinati ſunt. Tres accuſandi: vnus lite  
abdicandus, alter cenſurā Tertius euiratus papaue-  
re corniculato frigidor, mania manibus corruptus.  
Talia ſunt fulminis principia. Iudica vires, expende  
iura. Ne crede nomen auguſtum facultatis huic mō-  
ſtro. Habet veros Aſclepiadas his impoſtaribus in-  
ſenſiſſimos.

## ERATA

Pag. 5. l. 26. pedum, p. 9. l. 13. occidet. del. & p. 12. l. 12.  
 inscitia, p. 13. l. 30. catilinæ, p. 16. l. 15. lipothymia, p. 18.  
 l. 9. exornatur. l. 14. vas, p. 20. l. 9. ὁμοίησιν. l. 27. lebeti,  
 p. 21. l. 2. deprauator. p. 23. l. 17. ἰσοθέος σὺθιν p. 24. l.  
 9. es, p. 25 l. 9. abstinuerunt, p. 29. l. 14. nostra, p. 32. l. 18.  
 eccoproticum. p. 34. l. 12. & l. 21. Asclepiadæ, p. 35. 23.  
 πῶσι ταραχίσσι τῆς κοιλίης l. 24. Et, p. 40. l. 20. Petiana  
 tam, p. 41. l. 6. deleuero. p. 43. l. 2. Scholæ nomine, p.  
 46. l. 1. dele nomine. p. 47. l. 14. occultam, p. 56. l. 5. fennæ  
 p. 60. l. 5. πνύμα. p. 61. l. 4. interpretatio. p. 62. l. 14.  
 validiores. l. 17. animi, p. 63. l. 22. facultatibus. l. 23.  
 elephantia, p. 71. l. 14. mineralia.







+

5'

